



सानसेयारि **“बड’सा”** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल’ स्ल’बाथा आरो दावबायारि थावनि, पार्क
बाइदिनि सायाव लिन्नाय लिन्बिदाँ दैथाय डर/
सानसेयारि **“बड’सा”** ख्रीर्लाइया सेबस्त्रानावै
फोस्वावगेन।
बड’सायाव लिन्डरनायनि हुडा खालाम,
“बड’सा” ख्री नौथां, जौ बयबौ आंगो खालाम।

सानसेयारि बड’सा मावकुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 7 July, 2025 Kokrajhar, BTC, Assam ★ Vol.-35, Issue No.103 ★ R.N.I.Regd.No.40994/91, Assam Govt.Regd.No.IPRD. 40/2006/3, Rs.8/-

‘बड’लेण्ड स्पिक्स: फ्रम भिजन टु एक्सन’ आयदाफारिनि जर’खा बिजाब बेखेवनाय हाबाफारि खुंदों

बिटिआर ओन्सोलनि सुबुं-हारिमुखौ बांसिनथारै जौगाखां होनायाव बिहोमा होनाय सा 18 सुबुंफोरनो बड’लेण्ड लाइभटाइम एचिभार्श एवार्ड गथायबाय

राइज्यो सरकारआ राइज्योनि मैखोम बर’ सुबुंफोर थानाय दर 13 जिल्लाआवनो गासैवो सरकारि बिथोनमाखौ बर’ रावआव राव सोलायनायखौ गोनांथार खालामगोन: गिबि मन्थि

दिसपुर, 6 जुलाइ : आसामनि गिबि मन्थि ड० हिमन्त बिश्व शर्माआ दिने गुवाहाटीनि श्रीमन्त शंकरदेव कलाक्षेत्रआव बड’लेण्ड हायुडारि गौथुमार सरकारआ बड’लेण्ड हेपिनेच मिशननि सिङव ‘बड’लेण्ड स्पिक्स: फ्रम भिजन टु एक्सन’ आयदाफारिनि हाबाफारिखौ बेखेवना होबाय। हाबाफारिखौ लोब्बा लानानै गिबि मन्थिआ बिटिआर कमिउनिक्शन ब्रिज-1001 सोदोब आरो राव थिसनफाजनाय फोरमायथि गोनां बिटिआर ओन्सोलआव सोलिनाय मोन 18 ओन्सोलआरि रावनि



मोनसे जर’खा गां 600 बिलाइनि बिजाब, बड’लेण्ड सोलायथाइनि दावबायनाय सोमोन्दै ट्रेन्सफर्मि बड’लेण्ड, बिटिआर गाहाइ प्रमद

बर’नि नोजोर आरो रोंगोथिनि रेबगान्थि महरनि बिजाब ‘लुकिं वीटीन: माइ रिप्लेकशन’ आरो

बिटिआरनि बोसोरारि खेंफोरथि आयदानि बड’लेण्ड हेपिनेच मिशन बिजाबखौ बेखेवना होदों।

गुबुन फारसे बिटिआर ओन्सोलनि सुबुं-हारिमुखौ बांसिनथारै जौगालु (□ 6 बिलाइआव)

गोदान मुगानि बाहाय बिगियान आरो गोदान सोरजिथाइजों दावगालांनो नाजादों: गिबि मन्थि

गिबि मन्थिआ 2थि भगदत्त उराइदाव दालांखौ बेखेवबाय

दिसपुर, 6 जुलाइ: गोखों गोखेंथियाव सोरथाथायारि सोरजिनायनि मोनसे मख ‘जाथान बिदिन्थि महरै सिगाडवनो थिनानै होखानाय समनिखुइबो सिगासिन गेजेर समावनो आबुडै टलुफुंजानाय गुवाहाटी डाउन टउन पयेन्टिनि रुक्मिनिगाव लामा आरो बर्मथरिया फोनांजाब लामायव लुफुंजानाय उराइदाव दालांखौ दिने राइज्योनि गिबि मन्थि ड० हिमन्त बिश्व शर्माआ मोनसे गोथार (□ 6 बिलाइआव)



सुत्रधर भवन लुनो अन्थाइ खाम्फा गायसन्दों

बिटिआरगोजोन रादाइआ हारि-हारिसानि गेजेराव गोरोबलायनायखौ सोरजिदों: प्रमद बर’



कक्राझार, 6 जुलाइ : आसाम आरो बिटिआर ओन्सोलआव जिउ खानाय सुत्रधर हारिनि गुबुन-गुबुन बिथिडाव खुंजानो गोनां मेल-

हाबाफारिफोरखौ जाफु’सारे सामलायलानायनि खाबु गोनां बायदिथै सनिबारखालि मोनाबिलियाव चन्द्रपाराआव

मोनसे सुत्रधर हारिमुवारि न’ (भवन) लुनायनि अन्थाइ खाम्फा गायसन्दों। बेखौ लोब्बा लानानै कक्राझार सोहोरनि चन्द्रपाराआव 1 कौटि रं बाहायनानै लुफुंजानो गोनां सुत्रधर हारिमुवारि भवनखौ बिटिआरनि गाहाइ मावफुं सोद्रोमा प्रमद बर’आ अन्थाइ खाम्फा गायसन्नानै बेखेवना होयो। गाहाइ मावफुं सोद्रोमा प्रमद बर’आ भवननि अन्थाइ खाम्फा गायसन्नानै बिटिआर आरो आसामनि गुबुन-गुबुन ओन्सोलआव जिउ खानानै थानाय सुत्रधर हारिया गाव-गावसिनि राव, (□ 6 बिलाइआव)

आसामखौ भारतनि एंगारथावै बाहागो खालामनायाव ड० स्याम प्रसाद मुखार्जीनि बिफावआ मख ‘जाथाव: राइज्यो बैंगिरि

राइज्यो बैंगिरिआ ड० स्याम प्रसाद मुखार्जीनि 125थि जोनोम सान फालिथायाव बाहागो लादों

गुवाहाटी, 6 जुलाइ: आसामनि राइज्यो बैंगिरि लक्ष्मन प्रसाद आसार्यआ दिने राजभवनआव खुंफुंजानाय ड० स्याम प्रसाद मुखार्जीनि 125 थि जोनोम सान फालिथायाव बाहागो लानायखौ नुनो मोन्दों। ड० मुखार्जीनिसिम मान बाउनानै राइज्यो बैंगिरिया मुखार्जीनि भारतखौ खौसेथि खालामनाय आरो हारिमुनि थामोन्थानि थाखाय खामानि मावनायनि सोमोन्दै गुवारै फोरमायथिदों। गावनि बिबुंथियाव राइज्यो बैंगिरिया ड० मुखार्जीखौ भारतनि सासे बोर मोन्नाय हादर सिबिसुला होन्ना फोरमायनानै



हादरनि थाखाय गावनि जिउखौ बाउसोमदोंमोन होन्ना मख ‘बावदों। ड० मुखार्जीनि बिहोमाफोरखौ मख ‘नानै राइज्यो

बैंगिरिया हारिमुवारि माहारियारि बाद सोरजिग्रा, सोलें थाइनि बिहोमागिरि, खुंथाइआरि आरो (□ 6 बिलाइआव)

कक्राझार जिल्ला साहित्य सभानि आफादगिरि आलहाज श्वरीफ हासानआ जोबथा हां बोबाय

कक्राझार, 6 जुलाइ : कक्राझार जिल्ला साहित्य सभानि आफादगिरि, मुंदांखा समाज सिबियारि, फोरोंगिरि आलहाज श्वरीफ हासान(54) आ थानाय हरआव ब्लाड प्रेशरनि जाहोनाव अबथिरयै रूंसारि जानायनि खोयडा जिल्लाआव दुखुनि थासारि सोमजिहोदों। मख ‘नो गोनांदि, जिल्लानि फकिरग्रामनि साखाथि करइतला गामिनि थागिरि जिल्ला आफादगिरिआ दिने चिरां जिल्लानि धालिगावआव खुंजानो गोनां आसाम साहित्य सभानि मिरु मावफुं मेलआव बाहागो लानायनि थाखाय साखा-फारा जानानै दड्मोन। दिने फुडाव सिगांग्रो दावबायलानो थाखाय थानाय



हरआव थाबैनो ओंखाम जानानै जिल्लानि सिङव थानाय दालाइफोरनि सोद्रोमाफोरजों लोगोसे माबोरै दावबायलानो बेनि सोमोन्दै बाथा सावरायगासिनो दड्मोन। बिथाडा थानाय हरनि 10:30 रिंगासोआव उन्दुनो (□ 6 बिलाइआव)

धालिगावआव आसाम साहित्य सभानि 2025-27 बोसोरआरि 2थि मावफुं जथुम्मा खुंफुंदों

चिरां, 6 जुलाइ: दिने चिरां जिल्लानि धालिगावआव थानाय बडाइगाव सोदां सालिनि टाउनसिफनि गेवलां गेलेग्रा फोथाराव आसाम साहित्य सभानि 2025-27 मावफुं बोसोरनि 2थि मावफुंगोरफोरनि आबुं जथुम्माखौ खुंफुंनाय जादों। फुडाव बान्जाय आफादनि आफादगिरि धरमेस्वर (□ 6 बिलाइआव)



जौगालु नोगोरआरि कनभेसनआ खारखानायारि ओन्सोल खालामनायखौ फेलें खालामनायनि राजखान्थियारि सोलोसो: रन्जिब कुमार शर्मा



गुवाहाटी, 6 जुलाइ: गिबि मन्थि ड० हिमन्त बिश्व शर्मादिने दैदेन्नायाव जुरिजेन्नाय आसामनि जौगालु आरो खारखानायारि ओन्सोल खालामनायखौ गोखों

गोखेंथिजों फेलें खालामनो थाखाय नंखाय बाथा आरो गोरोन्थि फोरमायथाइजों नोगोरआरिफोरनि गेजेराव नंखाय खौरां गोसारहोना नै गावसोरनि राजखान्थियारि सार्थखो जाफु’होनो थाखाय माखासे राजखान्थियारि दैदेनगिरि आरो लेप्टरन्ट मेलेमजिबिफोरा गावसोरनि सोलोखौ जुरिजेन्नायनि खौरां मोन्नाय जादों। 6 एप्रिल खालि गुवाहाटीनि मासकवायव थानाय प्रागज्यतिस हारिमुवारि न’ब्लाडाव बान्जायनाय आसाम (□ 6 बिलाइआव)

गिबि मन्थिनि हारोंथाइ, दोलोनि आदर्सनि फारसे राइजोफोरा गोसो बोजादों: गौतम दास

बिपिएफ आरो इउपिपिएलनि सा 200 सोद्रोमाफोरा बिजेपि दोलोआव

बाक्सा, 6 जुलाइ: फैंगौ सेफेम्बर दानाव खुंफुंजानो गोनां बिटिसि बिसायख ‘थिखौ लानानै हादरआरि थाखौ आरो राइज्योआरि थाखौआव खुंथाइ सामलायबाय थानाय बिजेपि दोलोआ दावहानि थाखाय जान्जि खाफ्रानायखौ नुनो मोन्दों। बे समाव राइज्योनि गिबि मन्थि ड० हिमन्त बिश्व शर्मा, जयन्त मल्ल बरुवा, रन्जित कुमार दास, राइज्योआरि बिजेपिनि आफादगिरि दिलिप सड़कियाआ बिटिसि बिसायख ‘थिनि राजखान्थियारि दावहानि कौशल रन्साइनायाव मुखुब जानानै दड्। बिटिसिनि गुबुन राइज्यो ओन्सोलफोरजों लोगोसे बाक्सा जिल्लानि 20 मथनगुरि



बियाबआवबो आथिखालनि मावफुं सोद्रोमा गौतम दासनि राजखान्थियारि मुखुबथिखौबो

बांसिनायखौ नुनो मोन्दों। दिने बियाबनि मासुवागावआव बिजेपिनि मथनगुरि मण्डल

कमिठिनि बान्जायनायाव बाक्सा जिल्लानि हेफाजाबआव गेदेस्थार मोनसे दोलोआव थिसन्नाय

हाबाफारि खुंनाय जायो। कार्डन्सिल बिसायख ‘थिनि सिगां सिगां बिपिएफ, इउपिपिएल दोलोनि 200निफ्रायबो बांसिन मावफारियाफोरा दिने मोनसे हाबाफारिनि गेजेरजों बिजेपि दोलोआव हाबनायखौ नुनो मोन्दों। बे दोलोआव हाबनाय हाबाफारियाव बिपिएफ दोलोनि दैदेनगिरि रन्दिप राय आरो लक्ष्मन बिस्वासजों लोगोसे सा 200 सोद्रोमाफोरा बिपिएफ आरो इउपिपिएल दोलोखौ नागारनानै बिजेपिआव हाबो। दोलोआव हाबनाय हाबाफारियाव बिटिआरनि मावफुं सोद्रोमा गौतम दास, भबानिपुर बियाबनि एमएलए पनि (□ 6 बिलाइआव)

SINCE 1982

DAS JEWELLERS

1982 To 2025 43 Years Anniversary

খাটি সোনা-খাটি দ্রব্য

J.D. Road Kokrajhar

43 বোসোরআব আগান হোবায় কক্রাझার সहरআব থানায় দাস জুয়েলার্সআ। বেনিখাসনো বায়গিরিফোরনো 43 জৌখোন্দো বানায়নাযনি বেসেনখৌ রেহায় হোনায জাদৌ। বে খাবুখৌ 27 জুননিফ্রায় 15 জুলাই, 2025 সিম হোনায জাগোন। বে রেহায়খৌ কক্রাझার স্ব’ ঠমআবল’ হোনায জাগোন। গোসো গোনাঁ সন্না বায়গিরিফোরা গাহায়াব হোনায ফন নম্বরআব জগাজগ খালামনো হাগোন।

For 43 years Anniversary of our Kokrajhar Showroom gets a Gold Makeover a discount 43% on making Charges,

Offer period 27th June to 15th July, 2025

Condition apply: This offer period is applicable only for the Kokrajhar Town Showroom

Ph: 03661-355618, Cell No.: 8876631728

सुजुगिरिनि खोलोम



दैज्लां बोथोर

उदां बोथोरनि रंजालि बैसागु बोथोरा फैयै–फैयै बिदाय होनायनि लामायाव सौँफैबाय । रंजा–बाजा, जायै–लोडै फालिनाय बैसागु बोथोरनि बे बुब्लिन उनावनो सौँफैसिगोन मावनाय–दांनायनि बोथोर, दैज्लांनि माय आबाद मावनायनि बोथोर । मावनाय–दांनायनि गेजेराव बे बोथोरनि मावनांगौ–दांनांगौयानो गोब्राबसिन होन्नै सान्नाय जायो । एखनब्ला सान्दु, एखनब्ला अखा, एखनब्ला दोमैलु बोथोराा मावनायाव खहाब गोनां खालामो ।

गुबैयै आबादयारिफोरनि थाखाय बे बोथोरानो गोनांथारसिन होन्नानै सान्नाय जायो । बे बोथोरावनो खोथिया खुबैनो हाल एवग्रोनाय जायो । खोथिया खुबैनायनि उन–सिगां आबादयारिफोरनाव मोनसे सान्नाया सिगांग्रो जाखोंफैयो–देग्लाय बोथोरा अखा जागोन ना सन्दावगोन । दंग–बान्दोनि दै मोनै, गाखोयै दुब्लिन थाखाय आबादयारिफ्रा अखा हदैनि दैखौनो नेनानै थानांगौ जायो आरो बेनो बिसोरनि माय गायनायनि गुबै राहा लामाया । जायफोरहा बान्दो–दंगनि दै मोनो बिसोर बादि आबादयारिफ्रा माय आबाद मावनाय आरो दिखंनायाव गोर्लै जायोब्लाबो सम सम बबेबा बोसोराव दैनि आंखालाव गोर्लैनाडे ।

बान्दोनि दैयाबो मिथिंगानिनो दै, मिथिंगा बिखायाव थोबसेबो अखा गोर्लैयाब्ला बान्दोफ्राव मालाय बबेनिफ्राय दै जमायफैनो ? बान्दोयाव दै गैयाब्ला एबा अखा–बांखा हायाब्ला दंग–जाम्फैफ्राव बबेनिफ्राय दै जियायनो । बिब्दि हालोदयाव गोर्लैयोब्लानो आबाद मावनायाव जेंना नुजायो, आबाद गैयाब्ला आंखालनिबो महर नुजायो । दैज्लांनि आबादया दैनि सायावसो सोनारो । नांगौसेबांनि आबाद फोथाराव दै जगायनायनि राहा थायाब्ला एबा हायाब्ला दिहु–थ्यायाबो मिर्जिं खालामनाय बादि जायाबो जानो हागौ । बेफोरबो आंखाल नुजानायनि मोनफा जाहोन ।

दैज्लांनि माय आबाद मावनायखौनो गोब्राबसिन होन्नानै सान्नाय जाबोदों । मानोना माय गायनो थाखाय गिबियावनो खोथिया खुबैनो हा दब्लायखौं खाद्वायनायनिफ्राय लानानै हाबु गिल–गिल जाजासिम फोमोन्नानै सोखोथिया खुबैनाय जायो । बेनि उननिफ्रायसो लासै लासै खाद्वायनाय, सामार होनाय आलि दान्नाय, बर’ होनाय, आलि खोनाय आरो खोथिया गायनो एबा थुनो फोमोन्नायसिम बेसेदि उन–सिगां सान्नानै मावनाय जायो बेखौ जाय मावयो बिसोरसो मिबथिगौ । सासे आबादयारि गावनि हा दब्लायनि बबे खोन्दो एबा बबे बाहागोथिं बबे माय जोलैखौं गायोब्ला साबसिन जागोन बेनिबो सान्नांगौ जायो । सिगां समनि गायनायखौं नोजोर होनानै हाल एवनायजों लोगोसे खोथिया गायनायावबो गोबांथार सांग्रां जानांगौ जायो । लासै–लासै हासार गैयै जाबोनाय हा दब्लायав बेसेबां गोबों एबा गेसं गायनांगौ एबा गसाखौं बेसेबांसिम होनांगौ, रासायनिक हासारखौं बिधाफायाव बेसेबां सारनांगौ, सुनैखौं सिगांग्रो बेसेबां होनांगौ बेफोरनिबो हिसाब लानांगौ जायो, अब्लासो गोसोनि लुबैनायबादि दिहुनथाय मोन्नो हानायनि गोर्लै राहा मोनो ।□

दिनैनि फान्जामुधि

राशि बाइदियै मुंनि गिबि हांखो

मेष : अ ल **बृष :** ऊ ब (उ ए इ) **मिथुन :** क छ (ङ घ) **कर्कट :** ड ह **सिंह :** म ट **कन्या :** प ट (ण ष) **तुला :** त र **वृश्चिक :** ब न **धनु :** ध भ (ढ़ फ) **मकर :** ख ज **कुम्भ :** ग श (स) **मीन :** द च (ख ञ झ)

	मेष: माखौबा सान्नानै जिंगायाव गोर्लैनो हागौ । गोसोखौं लोरबां लानो नाड ।
	बृष: माबा मोनसे सुजुग–सुबिधा मोन्नायनि आसा द । नाजानायनि फिथाइखौं मोन्नो हागोन । मोजां सान ।
	मिथुन: मानिबा जाहोनाव गोसोआ बायफ्लेलानो हागौ । जैरेबो सांग्रां जानांगोन ।
	कर्कट: माबाफोर मुवा–बेसाद खावजानो हागौ । जैरेबो नोजोर लाखिनांगोन ।
	सिंह: फारफ्रोमथिंबो मोजां । जैरैथिंबो गोहो–बोलोआ बांगोन । मोजां सान ।
	कन्या: बे राशिनि थाखाय फालांगि मावग्राफोर मुलाम्फा मोन्नो हागोन । गोसोखौं गोजोन मोनगोन ।
	तुला: सान्नाय–हनाय गासैबो फेलें थानो हागौ । गोसोखौं शान्ति गैयै मोनगोन ।
	वृश्चिक: जैरेबो सुखुखौं मोन्नो हागोन । रंजा–बाजायै सानखौं बारहोहरनो हागोन ।
	धनु: मोजां खामानियाव आगान सुनो नाड । दिनैनि सानआ असुभ । गोसोखौं हमथा ।
	मकर: माखौं लानानै गोसोआव गाग्रि मोन्नाय सोमजिनो हागौ । गोजोन्नाय गैयैजों सम बारहोनांगोन ।
	कम्भु: सोलो बाहायोब्ला देरहासारखौं मोन्नो हागोन । गोसोआव गोजोन मोनगोन ।
	मीन: नख 'राव धोन–दौलदआ बांलांगोन । फारफ्रोमथिंबो जौगांखानाय फैगोन । मोजां सान ।

सुंद' सल'

वि.बरगयारी

मो

नाबिलि सम,

समआ आन्दाजआव स्नि बाजिसो जाबायमोन । गोसोखांआ बायजोआव बेरायना फैनानै ओंखाम मोन सानदि’ बड’सा खौरां बिलाइ नायगासिनो दंमोन । फुंआव माखासे गोनां गोनां खौरांखौं नायखानाय खाय बिनि (गोसोखांनि) मेगना फानजामुथि लाइजामाव थाब गोर्लैदों । गोसोखांनि मुडा सिगां आखरआ ‘ग’ जनायखाय रसिया कुम्भ । बेयाव लिरनाय दं ओरै:– “सप्तानि गेजेराव रांखावरि मोन्नायनि जग दं । मोजां मोनलायनायाव सानैनि गेजेराव गोरोब लायगोन खु सि फै गोन । सप्तानि जोबनायाव दावबायगोन” । फानजामुथिखौं नायखानानै गोसोजों गोसो सानबाय गोसोखांआ आतसा दैमुअथ’ आंखौं बावगार लांखाबाय बिदिब्ला फानजामुथिया जामारोना जामारा फालाय ना बोरै बाफोर सो मोजां मोनफिनबाय नामा । नाथाय नड दैमुआ आंखौं मालाबाबो मोजांमोना । मालाय मेलेटारि हौवाजों बार स्लायबाय, बेयो माबोरै जानो हानो । मालाबोन गोसोखांआ सान्नायनि लैथोआव गोजावलांबाय, जेब्ला बिमाया मोदोमाव नारफैयो; अब्लासो गुरलुब बागदावो गोसोखांआ । एफासैनो खर’खौं फिदिंनानै घडिखौं नायहरबाय समा मालाबानो 8.20 बाजिबाय । ओंखाम जानोसे फेद नोमफायाबो बबाव सुनैहैंदों दाबोनो फैयाखैं होन्नानै बिमाया लेंहैबाय गोसोखांखौं । बिमाया गोसोखांखौं गोसोजों गोसो अनोब्लाबो मालाइबायदि आफा होन्नानै गाबज्रिया । मुंखौनो खारियो । बेनिफ्राय गोसोखांआ

बोरै खिन्थाबावनो आं

ओंखाम जानो सिलहायाव जहैबाय । थाकथिक बिफायाबो ग्रोबसौँफैबाय । गोसोखांमोनहा ओंखामखौं सिलहायावनो जायो । मानसियाबो एसेल’ गाव (गोसोखां) बिब’दंमोन हाबा जहैबाय बिनानाव माया, बिमा बिफा, दाहोना सानै आरो रुवाथि सासे । गासै दा स्नि जोन । ओंखाम लाबोबाय हैदिन खालि ओंखैआबो गैया खालि जोगोनाथल’ । दिलिपआ (गोसोखां बिफा) बिसि आसागिखौं (गोसोखां बिमा) हे बनाय रावजों बृहरदों, दिलिप माहाजोनआ बे बायदि ओंखैजों ओंखाम जाया, दाबो एसेनो मिथिरोड बबाव बुरै थारखो जादो, दखानाव रावबो खरज खालामनो थाडाखै । दिलिपा गोसोखां थाब्ला दावरौआ एसे खम । दिलिप होमबाथारा देलायप्ति गामिनि मानसिफ्रा मानियो । अथसो गोसोखां बिफा दिलिपआ गामिनि गावबुरा, गामिनि दावराव दावप्तिखौं फोजोबग्रा अब्लाबो गावनो मानसिफोरजों नांलायनायनि अन्जिमा गैया आरो जौ फेनायनि अन्जिमा गैया । दिलिपआ ओंखाम जानायाव खर’आव निसा लानानै बुंगासिनो दुगा–दुगानो, आं खथ’ गामिनि मानसिफोरखौं जौ लोंनाय मोनसिफोरखौं जौ लोंनाय नांलाय खमलाय फोरखौं बादा होयो आरो सेंग्रा सिख्लाफोरखौं नुजायो । अब्ला गोसोखांआ बृहरदों बिफाखौं गुरै रावजों– नंगौं आफा बेफोर बायदि गाग्रि आखुफोरखौं फोसाब नांगौ, नाथाय आफा मालाइनि मोखांखौं हुगारनायनि सिगां गावनि आखायखौनो साफायै सिगां सुगोनानै लानांगौ । अब्ला दिलिपआ फिसाज्लानि थिं मिलौ नाहरनानै

बिलाय । खिबाजानि बे हिन्जावफोर नायजायै होन्नाय बि.एफ. ना माथेफ होन्नायासो खोमारो । नडाबा मानोथो खिन्था जालाया । बायदिसिना सान्नानै आसागिआ सियाराव जबाय थायो ।

साना सोनाब रुबैयाव दोब्रैबाय, सान्दुआ गुरै दुइ सुआ जाबाय । जेन, आसागि खामानि मावनायखौं नुनानै साना अनखांदों फुनिफ्रायनो खामानि मावनाय । फिसाय दिलिपआथ’ नंजां बाजां गामिनि खामानि मावबायबानानै जौ लोंबायबायनानै नोसमखौं हगार हरो । नाथाय आसागिआ मालाय बायदि माहाजोन न’खरनि बिसि होन्नानै दुगी, बाहादुरि देखाया । गावनो रुवाथिजों लोगोसे मावफाबाय थायो आरो मावथिबो मावथि आसागिआ नांगोल मथिल’ दांनो बाखि । खिबाजानि दांनो ह । म न ा य मो न ब्ला थ ’ हा लौं गौ मो न आ नो । बे बायदि हिन्जावआ दा समाजाव आखायनि हांखोआव सानजोबनो हानाय । रुवाथिआलाय मा मावयो खालि सानावल’सो, बिहा (आसागिया) मोनायावबो रुवाथि सावरि जाहैं दों आसागिया ओंखाम संगासिनो दं इसिंआव । आयै, आयै होन्नानै गाबज्रि हरो मायाआ रावखौंबो सिलहायाव नुहुरैखाय सिलहा गाफैग्रोन मोना लोगोफोरजों बहाबा बेरायनानै फैनानै । मा ओंखाम संदों आं होन्नानै सेंहरदों बिमाया इसिंनिफ्रायनो । दसे उनाव आसागिया फिसाजोनो खिन्थाफैयो माया नोंगुमै फेदोंमोन । गुमै फेदों! बहाथो ? गोमोनाय फावजों सोडो मायाया बिमानाव । थांबाय सि डि लांफेदोनो बर’ बाजाराव आरो नै माया नों गुमैआ आं फिलिमनि मुंखौं सोंबाय

नारा थौले दै गोनां दोल हाग्रा गोनां फोथारफ्राव गुरनायआ मोनसे खायदा । बुरजा दोलोसे आइजोफ्रा बै जायगाफ्राव एसे गुवार बर्ग दब्लाय महरनि मोनथाम दिगजों हाग्रा, दोल, बेहेरफोरखौं बुथुम बुथुम आलि फोरबायदि खोथेनानै लाग्रोयो । मोनथाम साइडखौं खोथेखानानै नाथाय मोनसे साइड खौं लांदाडै लाखिथयो । जेखायफोरखौं खोथेखानाय आलि सा सा दोनथ’यो । बै लांदाडै लाखिनाय मोखाथिंजाय गासैबो एसे गोजानाव थांनानै बेंथेयो । जाहाथे ना’खौं होयै होयै लाबोनानै बेनदों एबा दब्लायनि गेजेराव सोसन होनो हायो । बेनि उनाव दब्लायनि बादियैनो दैखौं दामै नाखौं होयै होयै बे लांदां मोखाथिं मानसिफ्रा दब्लायनि गेजेराव हाबहैयो । होयै होयै फैनानै लांदां मोखांनि खाथिथाराव मोनफैब्ला सानैसोआ हाखा दावरायै लांदांखिनिखौं खोथेथेयो आरो खोथेखांङागैमानि सानैसोआ नाया खारनफिन्नो हायैबादि दैखौं आवगायनि बादियैनो दामथाबाय थायो ।□

बेखौनो खिन्थालांलायाखिसै । माबा ओरैसो बुंबाय– “ बोरै खिन्थाबावनो आं” । मायाया बिमाखौं खे खे मिनिनानै बुंबाय जाम्बि जाम्बि फिलिमनि मुंआनो बिनो मालाइ, होमब्लासो आसागिआ गावबो खे’खे मिनियो आसागिया हे ओंखामा खामसिगोन होन्नानै ईसिआव थ्रोब हाबहैयो मायायाबो गावनि खथायाव थ्रोब हाबहैयो ।

गोसोखांआ दिनै कमपिउटार क्लासनिफ्राय एसे लेट सौँफेदों नआव । गुबुन दिनाव ब्रै बाजियावनो सौँफैयोमोन दिनै 5.30 नि एसे बारबाय । गैया थाखा फै सानि सिन्था,फरायनायावबो गाब्रिद्राय नडामोन । गोसोखांआ दा कमपिउटार सोलोडो हय, नाथाय गोसो सिडवदि मानि जाल्ला गोसोखांआ गावसो मिथिसिगौ । फिफायाथ’ बबाव थाडे, बबाव मा’खालामो जेबो खबरखौनो लाया । बिमायाबोथ’ जामबिदब मिथिखाया । गोसोखांआ रावजोंबो राइज्लाया माया न’सिडव थ्रोब हाबसोनानै सानबायल’ थासै गावनि जाथायखौं लानानै ओरै:– आतसा सिख्लाफोरनि गोसोआ मा गोसोफालाय गावनो गोसो थोयो होन्नानै खेबसे नड खेबनै नड लाइजाम हरग्रोलायबाय नै दानो ज्राब, जेन’बा गथ फोर फुजायाव बेलुन लानो लुगैनायसो । गोसो थोयोनालाय थोयो आंहा बेखौनो गोसो मोदोम जीउ होसोनानै थोबाय, दा मा खालामबावनो ! ना फराय नायावनो जायो । ना हिन्जावखौनो मोनथारो । बाराबा..... । मानसिनि गोसोआ बिदि जानाडलै गोसो सिडावनो रागाजों बडो गोसोखांआ । नंमारगौमोनलै सेमोन गोजां बोथोराव अर सायनायाव आबै बुंनाय बाश्चाया । थाब गोसोखांदों गोसोखांआ बिबै बुंनाय बाश्चाखौं । बिबैआ बुदोंमोन ओरै:– “नै आबौ सिख्लाफोरनि गोसोखो मोदायाबो हमनो हायानो !” बायदि सानै सानै ओंखामबो जायाखैंसै गोसोखांआ ऐदिन खालि ! सान्नायनि लैथोआवल’ गोदो हायना सारफावनानै मानसिखौं खालामो बोरमा गोसोखांआ सियारावनो दो उन्दुलांबाय □

आमेरिकानि हादरगिरि ट्रम्प आरो एलन

मास्कनि सोमोन्दो गाग्रि जानाया मोनसेबाव जेंना गोनां महर लादों



वाशिंटन, 6 जुलाइ: आमेरिकानि हादरगिरि ट्राम्प आरो एलन मास्कनि गेजेराव सोमोन्दो गाग्रि जानाया मोनसेबाव जेंना गोनां महर लादों। अदेबानि डनाल्ड ट्राम्पनि आंगो जाना थानाय एलन मास्कआ मोनसे गोदान राजखान्थि हान्जा दानायखौं फोसावबाय । बेनि सिगां एलन मास्कआ डनाल्ड ट्राम्पखौं सांग्रांथि होदोंमोनदि, वान बिग बिउटिफुल बिल पास जानायाव आमेरिकायाव गोदान पार्टि एबा हान्जाआ जोनोम जागोन । एलन मास्कआ एक्सआव दिँदि, डनाल्ड ट्राम्पनि बिग बिउटिफुल बिलआ आमेरिकाखौं बेंकस्प बानायगोन । एलन मास्कआ राजखान्थि हान्जाखौं एक्सआव फोसावदों आरो हान्जानि मुंखौं आमेरिका हान्जा दोन्दों। बेनि सिगां टेस्लानि बिगोमा एलन मास्कआ बुंदोंदि, बिथाड हादरगिरिनि बिग बिउटिफुल बिल बुंनायखौं दुखु मोन्दों। बिथाड सिबिएसनो होनाय मोनसे इन्टारभिउआव बुंदोंदि, बे बिलआ आखा–फाखा बिफाननि नाजानायफोरखौं लोरबां खालामो । बेयो फेडरेल खहाखौं बांहोयो ।□

गाहाइ मन्थि नरेन्द्र मदिआ आर्जेन्टिनानि उनाव ब्राजिलआव सौहैबाय

ब्युन्स आयार्स, 6 जुलाई: गाहाइ मन्थि नरेन्द्र मदिआ साननैनि थाखाय आर्जेन्टिना दावबायनायनि उनाव दा ब्राजिलआव सौहैबाय। गुबुन हादरयारि नेहाथारि पि कुमारनआ गाहाइ मन्थि मदिनि आर्जेन्टिना दावबायनायाव ब्रिफि लानायखौ दिन्थिदों। पि कुमारननि बादिब्ला, आर्जेन्टिनानि हादरगिरि जेभियार माइलीआ पेहेलगाम गाग्लोबनायनि हेंथायै भारतखौ हेफाजाब होदों। जायनि थाखाय गाहाइ मन्थि मदिआ हादरगिरि माइलीखौ साबायख'र होदों। पि कु मारननि बादिब्ला, गाहाइ मन्थिनि बे दावबायनायनि उनाव



भारत आरो आर्जेन्टिनानि मोनगोन। गाहाइ मन्थि मदिआ हादरगिरि माइलीखौ 22 एप्रिलनि पेहेलगाम गाग्लोबनायाव हेफाजाब होनायनि थाखाय साबायख'र होदों। बिथाडा बे गोब्राब समाव

निपाह भाइरासआ केरेलायाव गिख्रंथाव महर लादों

तिरुबनन्तपुरम, 6 जुलाई: केरेलायाव निपाह भाइरासआ दोहौ लोमजि होदों। बेनि जाहोनावनो सा 425 सुबुंफोरनि सायाव नोजोर लाखिनाय जादों। बे खौरांखौ राइज्योनि देहा मन्थि भिना जर्जआ होदों। बिथाडा मिथि होदोंदि, मलप्पुरम जिल्लायाव बयनिखुइ बांसिन सा 228 सुबुंफोर, बेनि उनाव पलक्कडआव सा 110 आरो कझिकडआव सा 87 सुबुंफोरखौ नोजोराव दोन्नाय जादों। सासे सुबुंनि टेस्टआ नेगेटिभ फैदों। गोहोम गोग्लैनाय ओन्सोलफोराव गोखों नोजोर आरो होबथानायनि



राहाखौ जागायबाय। मलप्पुरमआव बे दोहौखौ मिथिनो आरो गोसास्नायनिफ्राय होबथानो थाखाय फिलडवार्कखौ जागायबाय।

जादों। गासै 65 हान्जाफोर न'–न'आव थानानै सांग्रांथि होनाय हाबाफारिखौ सालायदों आरो 1655 न'फोराव दावबायदों। बे हान्जाखौ डा: एनएन पालिलाआ दैदेन्दों आरो सिके सुरेश कुमार, एम शाहुल हमिद आरो डा: किरण राजआ हेफाजाब होदों। हान्जाआ जिल्ला फाहामथाय बिबानगिरि

डू रेणुकानो मोनसे रिपर्ट गथायदों। पलक्कडआव सासे सुबुंखौ आइस'लेसनआव दोन्नाय जादों, अदेबानि 61 देहा मावफारिफोरखौ खाथि सोमोन्दो गोनां महरै सिनायथि होनाय जादों। देहा मन्थि भिना जर्जनि दैदेन्नायाव मोनसे गोजौ थाखोनि रिभिड मिटि खालामनाय जादों। बे जथुमआव देहा बिफाननि अनगायै गाहाइ नेहाथारि, एनएइसएम स्टेट मिसननि बिथोनगिरि, मेडिकेल एजुकेसननि बिथोनगिरि, एडिसेनल डिक्टर, जिल्ला कालेक्टर, जिल्ला फाहामथाय बिबानगिरि, पुलिस बिबानगिरि आरो गुबुन गुबुन बिफानफोरनि गाहाइ बिबानगिरिफोर बाहागो लादों।

आमेरिकानि हादरगिरि डनाल्ड ट्राम्पनि रैखाथि सिफायनाय केसआ सोराडाव फैदों



गोदान दिल्ली, 6 जुलाई: आमेरिकानि हादरगिरि डनाल्ड ट्राम्पनि रैखाथि सिफायनाय केसआ सोराडाव फैदों। हादरगिरि डनाल्ड ट्राम्प आरो आमेरिकानि फास्ट्लेडि आरो बिथानि बिसि मेलानिया ट्राम्पआ बन्द सान फालिनो थाखाय निडजासिआव थानोंमोन। बे समाव सासे नोगोरिआ उरां जाहाजखौ होबथानानै एयार स्पेसआव हाबफैदों। जाथाया शनिबारखालि 5 जुलाईनि।

जेब्लानो होबथाग्रा नोगोरिखौ एयार स्पेसआव हाबदों होन्ना खौरां मोनो अब्लानो आमेरिका एयार स्पेस डिफेन्स कमान्ड (एनअआरएडि) नि दावहार उरां जाहाजआ थाबैनो नायबिजिनानै उरां जाहाजखौ इन्टारसेप्ट खालामनानै होबथायो। एनअआरएडिनि फाइटर डेटआ हेडबट सोलो खाथि बाहायनानै पायलटनि गोसोखौ बोयो आरो उरां

जाहाजखौ होबथानाय एयार स्पेसनिफ्राय बाइजोआव दिहुनो। सोमोनांथाव बाथ्राया बेनोदि, सानसेआव बाथि टिएफआरखौ सिफायनाय जादोंमोन। इडएस एयारफर्सआ गासै पायलटफोरखौ एफएएनि फोसावनाय एनअटिएएमखौ फरायनो आरो फालिनो थाखाय गोखों बिथोन होदों। एयारफर्सआ सांग्रांथि होनायनि गेजेरजों बुडोदि, जुदि नोंसोर बेडमिनस्टर, एनजे(निडजासि) नि साखाथि–फाखाथिआव दावबायनो सान्दों अब्ला एनअटिएएम्स 1353, 1358, 2246 आरो 2247 खौ थारैनो नोजोर हो। बेयो रैखाथिनि थाखाय। सांग्रां जा आरो होबथानायनाय अखांमा लामानिफ्रय जानगारआव था।

बोहैथि जुलाई दानआव हन्डानि कारफोरखौ बायोब्ला लाख रांनि डिस्काउन्ट मोनगोन

गोदान दिल्ली, 6 जुलाई: भारतयारि बाजारआव जापानी गारि बानायग्रा हन्डा कारनि फार्सेनिफ्राय एसइउभिखौ लानानै सेडान सेगमेन्टआव माखासे कारफोरखौ अफार होनाय जायो। जुदि जुलाई 2025 आव हन्डानि कार बायनो सान्दोंब्ला बानायगिरिफोरा बे दानआव गावसिनि कारफोर आरो एसइउभिआव माखासे रोखोमनि डिस्काउन्ड अफार होगासिनो दड। हन्डानिफ्राय जुलाई 2025 आव गावसिनि कम्पेक्ट सेडान कार हन्डा आमेजआव रोजा रांनि डिस्काउन्ट अफार होनाय जादों। बे दानआव बे गारिखौ बायोब्ला मेक्सिमम 57200 रांनि अफार मोनगोन। हन्डानि फार्सेनिफ्राय बे अफारखौ बेनि नैथि जेनेरेसननि आग्लायनानै थानाय स्टकआव होनाय जादों। बबेखानि थामथि जेनेरेसन आमेजआव खालि




कर्परेट आरो हन्डा बाहायगिरिफोरनि थाखायल' अफारखौ होनाय जादों। हन्डा आमेजनि नैथि जेनेरेसननि एक्स स्वरुमनि बेसेनआ 7.62 लाख रां आरो थामथि जेनेरेसननि एक्स स्वरुमनि बेसेनआ 8.10 लाख रांजों जागायो। खौराडाव मिथिहोनाय बादिब्ला, बे दानआव हन्डा सिटिखौ बायोब्ला 107300 रांनि मेक्सिमम मुलाम्फा लानो हागोन। बे अफारखौ

बेनि सरासन्हा मडेलआव होनाय जादों। बबेखानि सिटिनि हाइब्रीड भार्जन हन्डा सिटि इ एइसइभिआव बे दानआव जेबो अफार होनाय जायाखै। हन्डा सिटिनि एक्स स्वरुमनि बेसेनआ 12.38 लाख रांजों जागायो आरो बेनि हाइब्रीड भार्जननि एक्स स्वरुम बेसेनआ 19.90 लाख रांजों जागायो। हन्डानिफ्राय 2023 आवनो इलिभेटखौ भारतीय बाजारआव लन्च खालामनाय जादोंमोन।

आरजेन्टिनजों लोगोसे गसंनानै थाफानायनि थाखाय बाखायदों। पि कुमारनआ बुंदोंदि, गाहाइ मन्थि मदिनि बे दावबायनायजों भारत आरो आर्जेन्टिनानि सोमोन्दोआ गोखोंसिन जागोन। लोगोसेनो दरनै हादरनि थाखाय गोदान लामा गेवगोन। बे गोरोबथाजों फालांगि, देहा, रैखाथि बायदि बिथिखवबो बुस्ट मोनगोन। पि कुमारनआ मिथि होदोंदि, हादरगिरि माइलीआ गाहाइ मन्थि मदिनि थाखाय लान्चबो दोन्दों। बे समाव सानैजों माखासे गाहाइ आयदफोरनि सायाव सावययदों। हादरगिरि माइलीआबो बे जारिमिनारि दावबायनायनि थाखाय गाहाइ मन्थि मदिखौ साबायख'र होदों। गाहाइ मन्थि मदिआ माइलीखौ भारतआव पैनो थाखायबो खवलायदों। मिथिहोनाय जायोदि, गाहाइ मन्थि मदिआ 8 साननि थाखाय दरबा हादरआव दावबायदों।

उत्तराखण्डआव करना भाइरासनि मोनथाम गोदान केस मोन्दों

देहरादुन, 6 जुलाई: हादरआव करनानि मोनथाम गोदान केसआ सोराडाव फैदों। साथामबो बेरामिफोरनि हालोदआ एखे आरो बिसोरो हम आइस'लेसनआव दड। हादरआव करना भाइरासनि केसआ लान्थियै बालांगसिनो दड। सानफ्रोमबो गोदान केसआ सोराडाव फैगासिनो। मोजां बाथ्राया बेनोदि, बिसोरनाव गिख्रंथाव लैखोनफोर मोन्नाय जायाखै। राइज्यो नडाल बिबानगिरि डू पंकज सिंहआ मिथि होदोंदि, दासिमआव हादरआव करनानि मोन 98 केसनि रिपर्ट मोन्नाय जादों। बेयाव सा 83 सुबुंफोर जायगानि आरो सा 15 सुबुंफोरा बाइजोनिफ्राय फैनाय। जायगानिफ्राय फैनाय मोन 83 केसनि गेजेराव 80 आ रिक्भार जाबाय। आथिखालाव मोनथाम



एक्टिभ केस दड। बे साथाम बेरामिफोरनाव करनानि सरासन्हा लैखोन दड। करनानिफ्राय बारग'नो थाखाय देहा बिफानआ सांग्रां जानानै दड। देहरादुन जिल्लायाव डेंगुनि मोनसे गोदान केसआ सोराडाव फैदों। बेरामिखौ श्रीमहन्त इन्दिरेश देहा फाहामसालिआव थिसन्नाय जायो। मिथि होनाय जायोदि, दासिमआव जिल्लायाव डेंगुनि मोन 156 केस मोन्नाय जादों। जायनि गेजेराव मोन 80 देहरादुननि ओ मोन 76 आ गुबुन

जायगानि। गाहाइ मेडिकेल अफिसार डू मनज कुमार शर्मानि बादिब्ला, डेंगुखौ होबथानो थाखाय देहा बिफननि हान्जाफोर खामानि मावगासिनो दड। शनिबारखालि आशा आरो डेंगु भलुन्टियारफोरा 11342 नख'रफोराव सार्भे खालामदों, जायनि गेजेराव 117 न'फोराव डेंगु गोसारहोग्रा थाम्फैनि लार्भा मोन्दों। 80588 कन्टेनारखौ बिजिस्नायाव 150 आव लार्भा मोन्दों, जायखौ हान्जाआ सिलिंखार खालामबाय।

आइएसएसआव शुभान्शु शुक्लाआ बेगेंफोरनि सायाव रिसार्च खालामदों

गोदान दिल्ली, 6 जुलाई: भारतीय अखांमा दावबायारि शुभान्शु शुक्लाआ हारिमयारि अखांमा स्टेसन (आइएसएस) आव बेगेंफोरजों सोमोन्दो थानायनि फार्से रिसार्च खालामदों। बे बिजिरसंनाया बेगेंफोरनि बेराम अस्टियपरसिसनि साबसिन फाहामथायनि बिथिडाव मिजिनि मोनसे सोरां। एक्सिम-4 मिसननि गेजेरजों 26 जुनिफ्राय शुभान्शुआ आइएलएलआव दड। आइएसएसआव सप्ताहसे सम आबुं खालामनायनि उनाव सानसे बन्द मोन्नायनि उनाव शनिबारखालि शुभान्शु आरो एक्सिम-4 मिसननि गुबुन



माखासे अखांमा दावबायारिफोरा मिथिनो नाजादोंदि, बोगथाबमा गोहो दड ना गैया एबा माइक्रोग्रेभिटिआव बेगेंफोरनि

सायाव मा बादि गोहोम गोग्लैयो। अखांमायाव बेगेंफोर माबादि गात्रि जायो आरो बुहुमाव फैफिन्नायाव बिसोरो माबादि मोजां जायो।

बेगेंफोरजों सोमोन्दो थानाय बायलजिकेल मार्कारफोरखौ बिजिनानै, बिजिरसंगिरिफोरा डिजिटेल दुइनखौ बाहायगासिनो दड। डिजिटेल दुइनआ मोनसे भाचुंएल मडेल। बे मडेलखौ डाटानि गेजेरजों बेखौ हमदांनायाव हेफाजाब होनो हागो। बे रहाआ इयुनाव मिसननि बिथांखि लानाय समाव अखांमा दावबायारिफोरनि देहा जोखोम जानायखौ बिजिनो आरो रहा नागिरिस्नायाव मदद होगोन। बेनि मुलाम्फाफोरखौ बेगेंजों लोब्बा थानाय बेरामिफोरनि फाहामथायआवबो लानो हागोन। शुभान्शु आरो साथाम अखांमा दावबायारिफोर–आमेरिकानि पेगि हुइटसन, पलेन्डनि स्लाभस्ज उजनानस्की–भस्तिभस्की, हांगेरिनि टिबर कापुआ 14 साननि मिसनआव आइएसएसआव थानों।

बाराणसिआव लामायाव जौ लोंग्राफोरनि बेरेखायै पुलिसआ गोखों राहा लादों



रोखा खालामनो थाखाय खालामनाय जादों आरो बेयो इयुनावबो सोलिबाय थागोन। पुलिस कमिसनार महित आगरवालनि बिथोन होनायाव हरनि 8.00 रिगानिफ्राय 9.30 रिगसिम पुलिसआ जौ फानग्रा

जायगाफोराव सिग्रोमनाय हाबाफारि लादों। सिग्रोमनाय हाबाफारिआव लामायाव जौ लोंबाय थानाय माखासे सुबुंफोरा खारग'लादों आरो माखासे सुबुंफोरनो चालान होनाय जादों। जौ फैना

इजराइलजों दावहा जानायनि उनाव दैदेनगिरि अयातुल्ला आली खामेनेइआ बंकारनिफ्राय ओंखारबोबाय

गोदान दिल्ली, 6 जुलाई: इजराइल–इराननि गेजेराव सोलिनाय दावहानि उनाव रैखाथि बंकारआव थाखोमानाय इराननि देरसिन दैदेनगिरि अयातुल्ला आली खामेनेइआ बाइजोआव ओंखार बोबाय। बिथाडा मोनसे थोरोमारि हाबाफारिआन राइज्योयारि महरै गावनि बाहागो लानायखौ मिथिहोदों। बे बाथ्रानि खौरांखौ सरकारि मिडियाआ मिथि होदों। इराननि सरकारि टेलिभिसनआव फोसावनाय मोनसे भिडिअआव खामेनेइखौ सुबुंफोरखौ



होदों। सुलुनि बादिब्ला, बे क्लिपआ गेजेर तेहराननि इमाम खुमेनि मसजिदनिसे। 1989 निफ्राय इराननि गोहो एबा पावार सामलायनाय खामेनेइखौ 13

फोसावनाय जादों, जेराव बिथांखौ नुनो मोन्दों। इरानखौ गुन्दासा गोहो बानायनायखौ होबथानो थाखाय इजराइल आरो आमेरिकाआ बेनि सायाव गोखोडै गाग्लोबदों आरो इरानआबो बिसोरनो फिन्नाय होदोंमोन। इजराइलआ दाबि दैखोंदि, इरानआ निडक्लियार टेस्टिनि जोबोद खाथियाव सौहैबायमोन, जायनि जाहोनाव बिसोरनि हादरआव खेफोदआ नुजाथिदोंमोन आरो बेनि जाहोनावनो बिसोरो इरानआव गाग्लोबदोंमोन।

सा-सान्जा भारतखौं गोजोन गैयै खालामनायनि गिख्रंथाव ब्लुप्रिन्ट

आइएसआइनि सा 3 एजेन्टआ बांलादेशआव थानायनि खौरां

गोदान दिल्ली, 6 जुलाइ: सरासन्त्रा महरआव बांलादेशआव फैनानै 8 सान थानानै पाकिस्ताननि आइएसआइनि सा 3 गोजौ बिबानगिरिनि दोलोआ शनिबारव गावसोरनि हादरआव गिर्दिलांफिन्नायनि खौरां मोन्नाय जादों । ब्रिगेदियार जेनेरेल थाखोनि गोजौ बिबानगिरि सा 3 आ म्यानमारनि रहिंगिया उदखारि आरो मनिपुरनि मोनसे हाथियार दैग्रा आफादनि दैदेनगिरिफोरजों बे दावबायनाय समाव सावरायमे लआव जिरायदों होन्ना मोनसे स्त्रोद सुलुंनिफ्राय मिथिनो मोन्नाय जादों । भारतनि अराय समनि सुथुर पाकिस्तानआ जायखि जाया जाहोनावनो बांलादेशआव गावसोरनि थाग्रासालिखौं गोहो गोरा खालामनो नाजगासिनो दङ । सा-सान्जा राइजोखौ गोजोन गैयै खालामनानै भारतनि गुबै बाहागोनिफ्राय सा-सान्जा राइजोखौ आलादा खालामनायनि ब्लुप्रिन्टखौ मावफुंनो पाकिस्तानआ फिन सांग्रां जाफिनदों । बेनिनो बाहागो महरै बांलादेशनि सोसनजानाय खुंगिरि एबा गाहाइ बोसोनगिरि महम्मद इउनुसजों पाकिस्तानआ मोजां सोमोन्दो लाखिदों । बे बिथिङाव पाकिस्ताननि नायबिजिरसं गौथुम आइएसआइआ जरखायै गोबां खामानि आखायाव लादों । बे खामानिनि थागिदायवनो थानाय 6 दाननि गेजेराव आइएसआइनि गोजौ थाखोनि सा 3 दैदेनगिरिफोरा बांलादेशआव दावबायफैखांबाय । बेबायदिनो थानाय 28 जुनआव 8 साननि हाबाफारिजों आइएसआइनि सा



3 बिबानगिरिफोरा बांलादेशआव नुजाथिफैदों । बिग्रेदियार जेनेरेल थाखोनि सा 3 आइएसआइ बिबानगिरिफोरा बांलादेश दावबायनाय समाव सरासन्त्रा मुं लाफैदों । भारतआरि नायबिजिरसं गौथुमआ बिथं खौरां मोन्नाय बायदिब्ला भारतनि मेगनाव हाद्रि सारनानै आइएसआइनि सा 3 बिबानगिरिया सरासन्त्रा सुबुंफोरनि मुङाव पासपर्ट बाहायनानै बांलादेशआव फैयो । नायबिजिरसं फुंखाया फोरमायथिनाय बायदिब्ला 28 जुनआव बांलादेशआव नुजाथिफैनाय आइएसआइनि बिबानगिरिफोरा जाबाय ब्रिगेदियार जेनेरेल नादिम आहमेद, ब्रिगेदियार जेनेरेल महाम्मद नादिम तालहा आरो ब्रिगेदियार जेनेरेल साउद आहमेद राव । थानाय 28 जुनआव बे सा 3 ब्रिगेदियार जेनेरेलआ एमिरेटस एयार लाइन्सनि प्लाइट नाम्बार एके-586 नि गेजेरजों बांलादेशआव गाफैदोंमोन । धाका मुलुगनांआरि उरां गाथोनआव नुजाथिहैनानै बे सा 3 आइएसआइ बिबानगिरिफोरा रेडिसन ब्लु हटेलसिम दावबायलांदोंमोन ।

बांलादेशनि रैनियाआ बे सा 3 आइएसआइ बिबानगिरिफोरखौ दैदेनदोंमोन । मख'नो गोनांदि बे बांलादेश दावबायनाय समाव बे सा 3 आइएसआइ बिबानगिरिफोरा गावसोरनि पासपर्टआव सिनायथिखौ मेडिकेल कर्पसनि सोद्रोमा महरै सिनायथि होदोंमोन । मोन्नो हानाय फोरमानलाइ बायदिब्ला ब्रिगेदियार नादिम आहमेदनि पासपर्टआ 30 एप्रिल, ब्रिगेदियार नादिम तालहानि पासपर्टआ 26 मे आरो साउद आहमेद रावनि पासपर्टआ 29 मेआव इसु खालामजादोंमोन । थामहिनबा बे पासपर्टफोरखौ जरखायै बांलादेश दावबायनायनि थांखिजों इसु खालामदोंमोन । बांलादेश दावबायनाय समाव पाकिस्ताननि नायबिजिरसं बिबानगिरि सा 3 आ कक्सबाजार जिल्लानि बेंखनआव थानाय रामुआव थानाय बांलादेशि रैनियाफोरनि 10थि इनफेनट्रि डिभिजन आ । व दावबायहैदोंमोन । मख'नो

गोनांदि, माखासे दाननिफ्रायनो इउनुस सरकारआ बांलादेशनि रैनियाफोरनि रामुआव थानाय बे डिभिजनखौनो म्यानमारनि उदखारि आफाद आराकान आर्मीनो हेफाजाब खालामनो थाखाय बाहायबोगासिनो दङ । बे समाव पाकिस्ताननि नायबिजिरसं गौथुम आइएसआइनि सा 3 बिबानगिरिफोरा सरासन्त्रा महराव बांलादेशआव फैनानै बे रैनिया डिभिजनआवनो थाफै नानै गोबाव सम सावरायमेलआव जिरायदों । स्त्रोद सुलुंनि बायदिब्ला रामु केम्फआवनो आइएसआइनि सा 3 बिबानगिरिफोरा रहिंगिया उदखारि आफादनि माखासे दैदेनगिरि आरो मनिपुरनि मोनसे हाथियार लाग्रा आफादनि दैदेनगिरिफोरजों आलादा आलादायै सावरायलायदों । आइएसआइनि स्पेसियेल सारभिस गुफनि गोजौ बिबानगिरि सा 3 आ सा-सान्जा भारतनि सोमोन्दै मोजाडै खौरां लालांदों होन्ना मिथिनो मोन्दों ।

समायना

बेनो गिबि आंनि मेगननि नोजोराव मुङ नॉनि जैरै समायना महरा नॉनि नायबाय थाथाव थाव थफिनाय समायना गुलाब बिबार बायदि । लोगो मोनजेन्नाय समाव हालां बाजारनि गोथार देउल मेला गोसोआ माब्रैबा हरखाब सोलायबाय नॉनि समायना महरखौं नुनानै । नाजाब्लाबो नाजाब्लाबो बावनो हायै नॉनि अन्नायनि गोदै बिसम्बिया उसु खुथु मोनलायनाय सानखानाय सोमजिहोयो गोसो गोबॉनि गुरैसिन थावनियाव । मेगन बेस्रां खानाय लाम्ब्रे देरफुनाय खावलायाव थरसे समायना सबाय बिमा बेनो फोरमान होयो आंनो अनसुली गोथार गोसोनि फोथायसुली । लोगो मोनफिन्नाय बिसमुरि बाजाराव सान्दोंमोन आं नोंजों रायज्जायनो बाद होयो मानोबा गोसोआ गोबॉआव थाफिनो खुगानि राव । लुनो जुरिना होबाय नों आंनि गोबॉआव गंसे समायना मन्दिर ।	मुश्री अमर बसुमतारी ला:सो:-हलथुगाव जिला- क'कराझार बि टि सि आसाम
---	---

जिउनि फैमाल सोरबाया रोंग'थि लानानै सोरबाया रोडैखौं लानानै गोरान बरजों । सारा मुलुगनि निहोरा रानैयावबो दुखु दाहानि बालाया रानखाव लांबाय । गोजौ जोमैन हांखाय नायाव खाफालनि रिफिनाया बेनिफ्रायनो दिंघ्रायनांबाय । सिमांबायदि जाबाय बे जिउआ	
---	--

आगोर

सानबोलाउरिआव लोहाव लोहाव ब'बा सुबुंनि भावथिना बायाद माब्लाबा गाबो अरो माब्लाबा मिनियो, आरो माब्लाबा..... सम बोथोर जेबो उदिस मोना । माखौबा आंगो माखौबा नेउसिनाय कारैनो माथो मागिरदों....., मोनसे आगोर, थानानै थानांगौनि, मानोना सानबोलाउरिनि रायजोया बुरखाय बुरकाय आखाय फायकनहरो जेराव गाब गोनां आबिरजों । सुबाव मोनखानाय फैलाव गोरबोया मिजिंनि फाख'नजों गोजाव गोजाव फेफोनानि महर लाना नुहरुदोंसे माथो, भुहुमनि सोरगिदिं मोनसे गिथावनां लैथोमानि दाहार । साथिख' साथिख' सानस्मिब्लाबो नुहुराखै माथो, कंसे दैमुनि निजिरा गोजांस्मिउ मोनदोंसे जिउ बिलादआ साग्लोबसार खोमसिनि मुखुराबो लासैनो फैसालियाव गसफैबाय मोनदांस'हायै संनि गुमुग आनदायबाय लामा बेनिनो नागिरदों मोनसे आगोर ।	सुबास बसुमतारी कचुगाव(थाफ्लाजरा)
---	---

गोरान बिलाय बायदि सिबथिं जाबाय सोरनिबा खाफालाव देरहानायनि अखाफोर गावदां-दां सोरनिबा खाफालाव जेन्नाय आरो रोडैनै लैथो हाब्रां सोरांथौ-हरथौ गोदान नखोरांखौं नागिरनानै, गोदान जायख्र्लनि सायायाव गोजोन सुदेम बारजों ।

मुश्री फनि महन इश्लारि जिल्ला:-कक्राझार,(बि.टि.सि.)
--

रंजालि गथ'फोरनि सौरा खौसेथि	नौं बर' सिख्ला बलराम बर'
जोनोम लाफैदोंमोन नोंसोर बर' बिमानि गोरबोआव जोहोलाव नों सोरमोन ? नुजाब्रबदों नों दसे सम माया गेलेनो संसारनि मानो थांफिनखो ? जोहोलाव नों मा सानदोंमोन जालांखो माब्रै ? मा ? गावनि हारिनि गेजेराव जुखुम लांबायमोन जों जोहोलाव बर' हारिनि गाहामै, जयै, खौसेथि । जोहोलाव नाथाय..... नों गोमालानायनि उनाव जॉनि हारिनि गेजेराव जालांबाय गोदाव-सोराव लेथेर- पेथेर । नायफै फिनदो नों जोहोलाव जॉनि गेजेराव आनान गसायनि दहाय लानानै दाबो दं सम । लाबोफिनदो जॉनि गेजेराव खौसेथि फोर्थाफिनदो बर' हारि खौसेथि लाबोफिनदो बर' हारि ।	मिथिंगानि रै-रूब महर लानानै सोरजिनाय समायना बारफुनानै थानाय बिबार नों लाइमोन बर' सिख्ला । गोमो-गोर्थां दख'ना गाननानै सिखिरि बादि बाहां बिरहां गां फुवार -फुवार फालि लानानै मोसाबायो । गोसो नोजोर मुहिनानै नॉनि बे थायनै मेगना बे संसारखौं बावहोनानै सिर्मानि मुलुगाव गोदोहोयो । अखाफोर बायदि गावदां नॉनि बे जारौ मोखांया खोमसि अखांखौं सां खालामनानै आंनि गोसोखौं लामा दिन्थियो । रुम्बां खानाइआ नॉनि साननि मोदाननायाव जोंख्लाबरखाडे नारें सु बायदि गन्थं नॉनि गुस्थियाव लाजिस्तु मिनिनाय । मोज्लायाबादि जार्जिज नॉनि आखाइ आव दैहु लाना मद'-मद' आर्थिं थायनैजों मावनाय दांनायावबो नोंखौं रावबो फेजेनहाया हारिनि गेदेमा सिनायथिखौं फोथायनानै लाखियो नों । नाथाय जादोंसै दिनै बेले-बेजे आसार खान्थि बोजबनो हमदों मालायनि गाननाय जोमनायखौं । दाखालायसै बिदि नों गलाय गथाय थासारिखौं फोर्थाफिनदो गावनि हारिनि समायना हायनाश्री महरखौं ।

गोमोथाव

बा-बा-बा मा एसे मोजां

समाइना बे दुफावलुर बुहुमालाइ

सोरगिदिं बिफां-लाइफां हाजो-हाला

दाउमा-दाउसा जिब-जुनादजों बुंफबनाइ ।

हाजो-हाला, हाग्रा-बंग्रा, खारनलाय-खारखोलाइ

मोसा-लखा, मै-मुफुरफोरनि

बेसे नाइथाव बेसे गोमोथावमोन ।

हाबाब, सोर मेगन गोसानि मोहेरनायाव

जाजोबबाय सिलिंखार खालाम जोबबाय

बहाबा गोमोर लांजोबाइ दिनै ।

नुदोंमोन शाल-सिगुन, सिसु-सन्दन

ग्रोम-ग्रोम बिफां लाइफांनि बागान

नुदोंमोन लखा-मोसा, मै अमा मुफुर

मैहुर गेलेदों अराय सानहर ।

सिमांसो जाबाइ आं नुबोनाइ नुथाइफ्रा

हर' मोनना सानमोन हमनो हालिया

आय' ग'साइ सोरनि गेलेहोनाय

अबंलावरिनिना मुनुस्मायानि ?

मुस्रि सोमदोन गयारी गामि-दियाबारी ला: +जिल्ला-क'क्राझार, थाखो-12 गभ.एम.एस.एन्ड एम.पि. स्कुल क'क्राझार ।
--

मिजिं
अराय हाथासि आंनि गोसो आरो मोनसे देहा । दं आंनि गोसोआव मोनसे मिजिं । थागोन नामा, बे आंनि मिजिंआ मानिबा जाहोनाव फेलें- ? थाङ थाङ थाङ । आंनि मिजिङा फेलें । आखायनि खलमनि बिदै आं रानाखैं । आखाय आसिआबो सोमावनो बायाखैं । गोसोआबो मेलेमाबो मेंआखैं । नेवसिआखैं बै आंनि मिजिंखौं होसोनो ।
मिस धोनस्रि बसुमतारी फरायसालि- बासुगाव गोजौसिन गेजेर खलब फरायसालि ।

गोदान आबहावा

हायरे ! बे मुगायाव

संसारनि बोहैंथि दैया मासेबां गुबुंले,

थरथिंसे गोगो नागिरनानै मोननो गोब्राब;

आनान ग'साइयाखि गुबुंले दैजों खुसि जागोन,

बेफोर दैखौं लोंब्लाखि सुबुंनि

देहाया गोखों जागोन ।

बेखायनो नामा बे जिउआ

थोजासे आदार मोनजायै,

गावनि बिगोमाजों नायस 'नजायै

बेगेंजों बिगुरजों जानाय लामानि

सैमा फाखि !!

आंखौं सोर जोनोम होयामोन आं मिथिया,

आंनि आफाया मा बायदिमोन आं सिनाया;

खायसेबा बुङो-आंलायनो माइबारिनि फिसाज्ला,

आरो खायसे बुङो-आंलायनो मोब्लानि मोखांसे

नाथाय दिनै आंदि मोदाय गथ'(Basterd) ।

मालाय बिजय, पिंकि मोनहा बिमानि

आहार मोनजानानै देरदों,

मालाय बिफानि फाफ्लियाव

गाखोनानै गराइ दाब्रायानो मोन्दों;

थेवबोदि बिसोरनि आंथिं-आखायफ्रा मोनिया,

बिसोरनि बिखाया लांदां एलबाम ।

गोगो दै नागिरब्लाबो मोनैयाव

आं आनान ग'साइखौंनो सिबिनो हाया जाबाय,

देहायाबो लोरबां-थोरबां जाबाय,

खुगायाव आवरायो फेथेर-फेथेर आर'ज

गोसोयासो थिर नङा

मानोना आनान ग'साइयाबो खेबसेखौं खोनासङ,

बिनि खोमायाबो सोरबा रां कुबीरजों

थुलासो माथु जाबाय नामा !

नाथाय दाबो दावखायादि फुराखैं,

दावब'यादि गोसोम गाब गायाखैं

दैयाबोदि साहाथिं बोहैंयाखैं ।

मुस्रि सनिराम बसुमतारी
--

सुंद' सल'

कामेश्वर बर' गामि: खासिबारि

आब'

अननाय नाजाव लाइजामखौ मोननानै जानांगौ आब’आ गोजोनगोन। लिरा होन्नानैनो सान्दोंमोन नाथाय गोर्बोंनि गावफ़।मनायखौ हमथानानै दोननो हायैनि थाखाय लिरबाय, लिरनो नांबाय। आब’ मा जाहोनाव (जोनोमनि लिंहरनाय/गोसोनि लुबैनाय) मोनथिया खोरोमखौ आं गोर्बों गोसोजों मोजां मोन्नानै बिजोंनो लोगोसे कट्सिम थांनानै हाबा जादोंमोन।मोनथिगौ आब’ जुलि जाखानाय सासे फिसायखौ बिनि बिसिनिफ़्राय सेना लाबोनानै गुबुना बिनि जायगायाव आबुं खालामोब्ला सेजानाय बिसिया जा बायदि गोर्बोंआव दुखु मोनो हागौ, बे बाश्राखौ आं नों न’ गारनानै थांनाय उननिफ़्रायनो गोर्बोंआव मोन्दांदों।फारसेथिं बिसि फिसाजों गोरोब लायाब्ला बिसिया जा बायदि गोर्बेनि गुवार लैथोआव बारसोमनो गोनां जायो बेनि फिथायखौनो आं दिहुन्नानै लादोंष नों गैवैनिफ़्राय खोरोमा आंनि फारसे दिन्थिनाय आखुनिफ़्राय।

आब’ बेफोर जियानो जादोलिया, गोबां मानसिनि लाजिहोनाय, लै जाखौ गोर्बोंआवनो सिरियै दोन्दां आं। सान्दोंमोन समाव गासैबो थिग जालांगोन होन्नानै। नाथाय गैया जेबो जायखिसै।गोर्बोंनि दुखुनि जाबोरखौ नागारनो हायाखै आब’।खोरोमजों लोगोसे माबोरै थांना थाबावनो माथो खोमसि खोमसिसो नुहरबाय।..... गोबां आं पाप खालामबाय, नंगौना आब’। बेखायनो पापनि फिथायखौ आं मोनजानांगोन।आब’ नों खोनानै आंखौ बायदि बुंनो हायै रावजों राय, नाथाय अब्लाबो आंहा राहा गैया.... गोबां सानबोलावरनि गेजेरजों आं खोरोमजों दाउभासनि बाश्रा सानबाय। आं मोनथिगौ बेयो आंनि पापनि फिथाय नड, पापखौ मानिना लानायसो। आब’ बे जोनोमाव नोंनि गोबां सुख’हायै इनाय खालामबाय, बेनि थाखाय आंनिमाहा लुबैया, लुबैयो खालि मोजोमसे अन्नाय। आसा खालामो, बे अन्नायखौ मोन्नायाव आंखौ नों आब’आ जेबो हेंथा होनाय नड।

आब’ नोंखौ बे समाव मोन्नो जोबोद लुबैदोंमोन, नाथाय.....। लाइजामखौ फरायखांनानै बिसिनानै गार।मानोना बेयो नोंनि जेबो खामानियाव फैनाय नड।

आरो एसे बाश्रा आब’

खोरोमनि जिउआ जुदि नों गोदान जिउ जोनोम होफिननो, अब्ला बुहुमनि गिबि सुखि जानाय सुबुङ आंनो जागोन।

आरोबाव खुलुमबावना, फोजोबबाय।

नोंनि बिनानाव

अलकाया लाइजामखौ गले गले फरायनानै पस्ट अपिससिम आवगायबाय, गोजौ अखोरांथिं खेबसे गोलाव हां हगारनानै।

मनजुआ लाइजामखौ मोनबाय। मोन्नानै खोरोम ओो अलकानि फारसे दुखुबो नांबाय। आरोबाव लाइजामनि जोबथि राव मनजुखौ बांसिन दुखु होबावबाय। गाव बिदि फैनायखि मोजां जामारदों। खोरोमखौ लानानै जोबोद सुखिमोन मनजुआ, नांगौखनि गासिबो सुखुखौनो खोरोमनिफ़्राय मोन्दोंमोन।खोरोमाबो बेनि उल्था

समनि थिननायाव

नडामोन। सम सम खोरोमा मनजुखौ सोडोमोन–

“आंखौ लानानै नों सुखिना..... ?

मनजुआ नंगौनि इसारा होदोंमोन ओ़ो बुदोंमोन– नों थरैनो इन्टिलिजेनट मेन।बेनि मानेया जाबाय, जुदि नोंबो आंखौ मोजां मोनग्राफोरनि फारियाव गोग्लैयोमोन अब्ला आंनिफ़्राय नों जानगारनांगौ मोन। मानोना आं बेफोरखौ इसेबो मोजां मोना।

खोरोमा इलिसआव ग्रेजुयेट।माखासे असुबिदानि थाखाय पि.जि. खौ खालामाखिसै।मनजुआ सम सम सानखाडो, खोरोमा सासे मोजां फोरेंगिरि जाया लाबानो मानो फिसा फिसौ थिकानि खामानियाव हाबखो ? मनजुआ मोजाडैनो मोनथिगौ, खोरोमा खन्थाय, सुंद’ स’ल’ एखमबा रायथायबो लिरनाय लायसिफोराव नुयोमोन। इंराजि खन्थाय आवरायना बान्था मोन्नायबो गोबां नेसॉन दं। फरायसा समनिफ़्रायनो टेलेन्टखामोन। सासे मोजां फोरोंगिरिनि मासियाव ज’नो हानाय बिहा गुवार जायगा दंमोन। नाथाय..... बेफोरखौ एंगारखो मानो.... ? मनजुआ सान्नानै आगोर मोना जायो। “नोंनियाव एसे बाश्रा सोंनो सान्दोंमोन गाञ्चिमोन्नाय नडाथ’..... ? मनजुआ खोरोमखौ सोंदोंमोन।

“गाञ्चि.....! नोंखौ गाञ्चि मोननो हागोन जानु..... ? जाम्बि, मोनसे नड गोबां बार सोंजागोन..... बेसेबां गोसो जायो।मानोना बे मोन्थायखौ नों आंनिफ़्राय मालाबानो सेना लाबाय। बुंनानै खोरोमा मनजुनि खावलायाव हांखो बोयो।मनजुआ खुसिजोंनो मिसिबथाबो। दसे सम सिरि थानानै मनजुआ बुङे.....। “नों फोरोंगिरि जायालाबानो बैफोर थिकानि खामानियाव आखाय होनायनि माबा जाहोन दड:.... ?”

मनजुआदि बिदि सोंनाय सोंंगोन होन्ना खोरोमा जेब्लाबो सानाखेमोन।खोरोमा उसु खुथु जायो।बाश्राखौ सोंफ़लानानै मनजुआबो बोरैबा मोनो।

“मनजु आं उदांश्रीखौ मोजां मोनो। मोजां मोनो मोनसे उदांश्री जीउ। साकरियाव नाथाय बे मोन्थाया गैया। बुजिबाय दा.... ?

बिदियैनो बारलांदोंमोन आलो गोजोनहाय बिसोरनि जीउआ। समा सोलाय सुला। बियो बारग’ लांनाय दिनफोरखौ जारिमिनाव सोलाय होयो, आथिखालखौ गोजाम खालामो आरो गोदानखौ जेब्लाबो बरायनो सांग्रां जानानै थायो।

“गुफुर गोसोम गांजों सम सिखिरि या बिरलाडो बबेयावबा सिरियै।”

खन्थाय गिरिनि बाश्रायानो सैथोमार। अब्लाबो समाया जोंखौ फोरोडोबो। मोन्थियै बाश्राखौ मोन्थि होयो।

खोरोमा मनजुनि लामा दिन्थिगिरिमोन। नाथाय उनावजाबाय बे लामानिनो गिदिर सोरनि इनजुर। जेब्लायबो खोरोमा धोन,

सम्पति, बेंक–बेलेन्स, गारि, नखौ लानानैनो मुखुब।मनजुआ लासै लासै मोन्दांदोंमोन, खोरोमा देहानि गांनायखौ सुफुंनायनि अनगा गुबुन समाव मनजुनि सेराव साफिया। खासि देहानि गांनायखौ सुफुंलायनायानो बिसि फिसायनि गोजोन जीउ जानो हाया। बिदि अनलायनायनि जिउ लामाया गोजोन जानो हाया।मानसिनि जिउ संसाराव बेनो गिदिर जाहोन।बे गोजोनखौ नागिरनो थांनायावनो मनजुआ आनलिद नुबाय। अबोला संसार जानायनि गोजोना बहा... ??

मनजुआ गुबुन सानफोरनि बायदिनो सिथलानि देबदारु दफां सेराव जिरायना रादाब बिलाइ फरायनाया दिनैबो मुखुब। बे समावनो लांगोनायाव गोजा रंनि (गाब) मारुटि कारा दोम थाफैयो।मनजुआ कारखौ सिनायनायाव जेबो गोनो गोथो जायाखै मानोना कारा खोरोमनिनो। गारिनिफ़्राय खोरोमजों लोगोसे ओंखारफाबाय सासे जारौ मारौ जौझां देरस्रां जिन्सजों लोगोसे गग्लस गान्नाय सिखोला।सानैबो लहानि गेदखौ खुलिना हाबफैबाय।

“मनजु, बियो अलका, अलका बसुमतारी। डि.आर.डि.ए नि अपिसार पेरस बसुमतारीनि फिसाजो। बै तिकानि खामानियाव बिर्थानिसिम गले गले थांबाय थानायावनो बिजों सिनायलायो। बे सिनाय लायनायानो आंखौ आंगो खालामबाय.... आरो दिनै जोंहा कट’आव रेजिसटार हाबाबो जालांबाय.....।” हां खुनसेयैनो जोबोद गुरैयै बुंनानै खोरोमा रुमाव हाबहै बाय। अलकानि मोखाडव अब्ला लाजिनायनि सायखं बेरखांदोंमोन।उन उन बिबो रुमाव खोरोमजों हाबहैदोंमोन।

मनजुआ सिमां नुखो ना मा.....! माथो मेगनखौनो फोथायनो हालिया....। खर’आबो गिदंबाय.....।

साननैसो समा बारलांदों।मनजुआ अलकाखौ बिनानाव होन्नानै गोर्बोंआव जायगा होनो हायाखै। आथिखालाव खोरोमा अलकाजों मोनसे खथायावनो उन्दुयो आरो मनजुआ हारसिं गुबुन ख’थायाव।खोरोमा मनजुखौ गावनि गोसो बायदियैनो सोलिनो उदांश्री होदों।बिनि जायखि जाया खामानियावनो खोरोमा हेंथा होआखै.....। होनायबो नड:.....।

अलकाया मनजुखौ बिब’ बायदियैनो मानि बोदों, रायज्लायदों। नाथाय मनजुआसो अलकानि फारसे अन्नाय होफिननो हायाखै। थारै मनजुआ अलकानि अन्नायखौ नाजावोब्ला गावखौनो गाव थगायनाय जागोन। अलकाया मोनथिखानानैनो मनजुनि जोबोद इनाय खामानि मावबाय। जुलि लाखानाय सासे फिसायजों मोजां मोनज्लायनायनि खेला गेलेनाया हिन्जाव माहारिनि थाखाय जेब्लाबो आजावथाव जानो हाया। अलकाया मनजुखौ नारभास खालामदों।

बिदि नारभासा जाबाय आत्मा जों सोमोन्दो थानाय एबा गासै हिन्जाव माहारिखौनो फुन्नाय गोसोम हांगारनि दागो।जायखौ हुखुमोरनो गोब्राब जायो।मनजुआ बे बाश्राखौ मानिनानै सोलिदों।बेखायनो मनजुआ अलकानि फारसे अन्नाय जासिफिननो हायाखै। आरो अलकाया.....।

अलकायाबो हिन्जाव माहारि।मनजुनि गोसोखौ बिबो मोजाडैनो मोन्दांदों।बेखायनो जानांगौ सम सम बिब’नि सेराव निमाहा बियो.....।

“आंहा गोरोन्थि जाबाय आब’।गोसोनि मबेबा मोनसे अंगनि लोर्बाथिनि थाखाय गोरोन्थि मावफ्लांबा। बे गोरोन्थिखौ माबोरै सुदायफिननो... ? आंखौ निमाहा होदो आब’।

निमाहा.....। थाबनो मनजुनि खुगानिफ़्राय राव स’ गलाङे। हामारगोन ना निमाहा होनो अलकाखौ.... ? थारै अलकाया निमाहा मोन्थाव मारना..... ? मनजुआ खेबसे नड खेबनै नड, खेब साननानै नायबाय।हागोन जानु अलकाखौ निमाहा होनो.... अलकाया मोनथिखा खोनाखानो गोरोन्थि लामायाव आगान होबाय। नड:.....नड मनजुआ फोथायना लानो हाया...। मानोना अलकाया मनजुनि जानो लाफुनायथोरसिनि ओंखामखौ सेना जादों, आलो गोजोन मनजुनि जिउआव अर लागायदों। बे अरजोंनो दा मनजुआ गोसो गोर्बों गासिबो दोरफो दोरफो खालामजादों। मनजुआ न’आव दसेबो सम थानो हायि बायदि जाबाय।खर’ मेलेमा सानै सानै गुदुं जाजोबबाय।

मनजुआ सानसे रादाब बिलायाव मोनबायदि कक्राझारनि इरागडाव गोजौ फरायसालियाव बड’ बिजोंनि मोजां केरियार गोनां फोरोंगिरि नांगौ।मनजुआ थाबनो एपलाइ खालामगारबाय।लोगोसेनो कल लेटार फैनाय लेखा इन्टारभिउबो हैबाय।

नंगौ इसोरा दंमारो।मनजुआ साकरिखौ मोनमारबाय।एपयमेन्टआ पस्टजों फैना आखायाव गोग्लैफैनायाव मनजुआ सारगोखौनो मोननाय बादि मोन्दोंमोन। गसाइखौ हाजार बार गाबञ्चिदोंमोन।बावैनो जइन जाहैसिगोन।मोजां केरियार गोनां फरायसामोन

लक्ष्मीनाथ बेजबरुवा रा:सो:-प्रमिला नाजॉरि

सासे बुरि दंमोन।बियो फालोसे मोसौ फिसिनानै गायखेर फानना खुनु रोखोम थुख थाख सोलिना दंमोन।बिनि उन्दुग्रा न’आजोबोर बुरि थारमोन। उखुमनि थुरिफोरा रोफो रोफो सेवना अखा सेरनायमोन।सानसेखालि अखा दोमैलु ह’राव जाखां–लोंखा उन्दुनो थांना “हे ग’साइ, आथिं गोलावयाल’ दामोन थों” बुंना बैसाडाव गाखोना उन्दुना थानायसै।

बै सानखालि सासे सिखावा बुरिनि मोसौखौ खावनो बुरि उन्दु लांनायखौ नेनानै मोसौ ग’लि सेराव थाखोमाना दंमोन।मासे मोसाआबो बुरिनि मोसौखौ जानो गोसोथै खोमसि–खोमब्लाव सिरि सिरि फैना ग’लिनि मोसौफोरजों हाबफनानै बुरि उन्दुलां नायखौ नेगासिनो दंमोन।मोसा आरो सिखाव सानैबो बुरि बुंनाय

मनजुआ। मेट्दिरपकआवबो बड’आव लेटार मोन्दोंमोन।नाथाय दिग्रिया क मप्लिट जानायनि उनाव पि.जि.खौ फरायनाय समावनो खोरोमजों बिफाया जुलि जाहोबाय।अब्लाबो मनजुआ दुखु गैयामोन।गोसो जानायमोनब्ला हाबानि उनावबो माबेबा मोनसे फरायसालियाव हाबनो हागौमोन।नाथाय बिहा गोसो गैयामोन।नाथाय समा सोलायसुला। हरखाबनो साकरनि गोनांथिखौ मनजुनो समा दिन्थिना होफैदोंमोन।बिदियैनो साकरियावबो जालांबाय।

गोनां बार उल्थां फाल्थां साननानै खोरोमनो बाश्राखौ फोरमायानायनो गाहाम जागोन सान्नानै सानसे फोरमायबाय। “आं ककारझारनि गंसे गोजौ फरायसालियाव एफयमेन्ट मोनबाय। समफोर जइन जानोसै।”

खोरोमा माथो रोडैबबा बादि जाना मनजुनि मोखाङ ग’ल’ नायदोंमोन। मनजुआदि साकरनि थाखाय एप्लाइ खालामदों लोगोसेनो गेजेराव इन्टारभिउबो हैदों बे बाश्राखौ खोरोमा इसेबो मोनथिया।अबसे मोनथिनायनि लामाखौबो मनजुआ होखायाखैमोन। इन्टारभिउआव थांनाय समावबो खोरोमजों अलकाजों आलासिनि न’आवसोमोन।मनजुआ जइन लानाया सान्थाम जाबाय।जोबेत गोजोनबाय मनजुआ फरायसालियाव हाबनानै।गाहाय फोरोंगिरियाबो जोबेत मोजां माहि गुरै।जायखौ स्कुल माइन्ड होन्ना बुङे।जइनि खालार खालि गाहाय फोरोंगिरि बुंनाय बाश्राखौ लानानैनो जोबोद नांथाबदों मनजुआ।

नोंथ’ मोजां केरियार गोनां फरायसामोन।नोंनि मार्कसिट आरो इन्टारभिउनि फारफमेनखौ नुनानैनो जों मोजां मुं बे फरायसालियाव लाखिनो हागोन होन्ना आंहा फोथायनाय दं”।

मनजुनि लजिङ सेरावनो।आथिंजोंनो थांलाय फैलाय खालामो।साननैसो बुब्लिया फिउनो बिरलाङो।हानाय खिनिखौ मनजुआ खोरोम आरो अलकानि बाश्राखौ बावना सोलिनो नाजादों।

फारसेथिं अलकाया अन्नायजों जै खालामदों खोरोमनि

गोसोखौ आरो खोरोमाबो अलकानि लुबैनाय मानिखौ आबुं खालामदों।बेखायनो बे बिथिङव मनजुनि गोनांथिखौ सानपफ्लाङाखैमोन खोरोमा।नाथाय हरखाब मा जाखो.....मनजु थांनायनिफ़्राय खोरोमनि गोसोआ मा जाखो.....।मानो थाथेरनो हायाखै..... ?अलकानि जौमोन देहायाबो मानो गोजोन होनो हायाखै.... ?मानो.... ? कक्राझाराव फोरोंगिरि जानोदि मनजुआ थांनो नाङ, बे खिनि बुंनो हानाय गोहोखौबो खोरोमा खोमानानै लादों।नाथाय अलकाया नोजोर होदों मनजु थांनायनिफ़्रायनो खोरोमनि गोसोआ मानोबा दरसि दरसि जादों।हराव उन्दुयोबोला जाय खोरोमा मिनिटसेबो सम हगारा बालानो अलकानि गुरै माहि फुरसब देहाखौ गोबाना खावलाय गुष्टि गोदोना खुदुमोमोन, बे खोरोमा आथिखालाव अलकानि सेरावनो सलादें भुट बादि गोग्लैसोना हरखौ बिदाय होयो।माखौबा साननानै हां गोलाव गोलाव हगारो।अलकानि जौमोन देहायाबो खोरोमखौ जेबो उल्था जाथाय सोमजिहोनो हाया।अलकाया जोबोद दुखु मोनो।सिरियै गाबखोमायो।

“खोरोम, आं नोंखौ असान्थि होबाय नामा?” नोंनि गोजोनखौ आं सेना लाबोबाय होन्ना आंखौ नों बुंनो सानो नामा..... नडाब्ला नोंनि आं.....।”

“नड अलका, आंखौ नों असान्थि होदों होन्ना आं सानाखै।आंनि गोजोनखौबो सेनानै लाबोदों होन्ना आं सानाखै।थारै नो बाश्राया ऐरैसोदि,मनजु थांनायनिफ़्रायनो आंनि गोसोआ माबिबा मोन्दांदो, माबेबा मुं मोनथियै आबेकआ आंखौ एकथुदों।आं जोबोद हारसिं हारसिं मोन्दों अलका... ?”

“नों मनजुनि थाखै एसेबां गोसो हगारदों.....।” “मनजुआदि आंनि बिसि....।” “आंबोथ’ नोंनि.....।” “नंगौ, आं माब्लाबाबो नंखाय बुङाखै।नाथाय मनजु गैवैनिफ़्राय नखौनो मानोबा गोथैसालि बायदि मोन्दों। जेन गोथैसालिनि मायाबा मोदायासो आंखौ हमनो होसोबाय दं।थिगैनो थानो हालिया अलका।” खोरोमा गोरलै गथ’बादि गाबनो

हमो।

खोरोमखौ लानानै सुखुनि संसार जानो लुबैनाया अलकानि जेथो नांबाय।जाय जेथोखौ आरो हासवाबोला खेवनो हानाय नंलिया।न’खरजों सोमोन्दो लाखिलिया मनजुआबो थांनायनिफ़्रायनो गैया।खोरोमा मनजुनि गोर्बोंआव जा गाब फुनबाय बेनिनो फिथाय महरै दा मोनजाबाय।जाय फिथायनि रसआ गोखा गोफा खाब्रां खाहाबनाय।मनजुनि सेराव थांनानै खोरोमा निमाहा बिनो हानाय गोहोखौबो दा बुथुमनो हायाखै।नाथाय मनजुआ बिखौखि निमाहा

होगोन..... ??

आथिखालाव अलकाया खोरोमखौ दाइभर्स खालामनायनि बाश्रा सानो।गावनि देहानि फारसे सम सम द्रेसिं आयनायाव नायो।नंगौ दासो जौमोननि अंगफोरा गेजेर जाफुदों।दाबो जायखि जाया सासेजों जीउनि आद्रा बुब्लिखौ दैथायनो हागोन।जीउखौ ऐरैनो एंगारनो हाया।दाइभर्स खालामनाय बाश्राखौनो अलकाया खाब जानाय बायदि मोनबाय आरो बाश्राखौ मनजुनो मोनथि होनो थाखाय टेबिल सिम आवगायो लाइजाम गांसेनि थाखाय।

थाखोआव मानोबा मनजुआ गोसो फज’नो हायि जादों।मानोबा खोरोमनि फारसे सानखांनाया बारा जादों।नै दिनैबो मोननैल’ क्लास लाना मनजुआ खथायाव फैदों।हरावबो मनजुखौ निन रानिया गोबानो हायाखै।गोसोखौ गोजोन होनो खेरखि जिंआव जना गोजौ अखोरांथिं हाथरखि खारनायखौनो गोसो हगारना नायबाय थादोंमोन मनजुआ। टक:..... टक:.....टक:.....।मनजुआ बागदावदों।हरखाबनो गिनानै आखायनि खोमोनफोरा थिया थिया जादों।इसेबां हराव सोर फैनो हागौ..... सहरनि गाञ्चि मानसि नडाथ’..... ना.....।मनजुआ साननो हाया जायो।खामसालिनि सुइसखौ अन खालामो।जायगाया दसेनि लागैनो सोरां जायो।गिलुं गिलुं दरजासिम आगान फोलावो।नाथाय मा नुखो.... हरखाब नुफेरै जीब नुनाय बायदि मनजुआ गाबखावफ्लाङो।गिदिर मेगन, सान्नो हाथावै गोलाव खानायजों लोगोसे

गोलाव मोखांनि खोमोन, दरखडवनो गंसनानै दड भुट महरै खोरोमा।

“खोरोम नों.....बे हराव....!” खोरोमा मिनिनो नाजायो आरो बुङे.... “गोमोनाय मोन्दों नडासै...। आं मोनथिगौ नों गोमोखागोन।मानोना जेबो खौरां हरालाबासिनो आं हरखाब नुजाफैबाय।” खोरोमा गोलाव हां हगारो।

मनजुआ मोखांनिफ़्राय आर्थिसिम नायो।मनजुआ खोरोमखौ सिनायफेरै नुफेरै मानसि बायदि नुदों।

“माखौ नायगोमाखो मनजु... ?”

“अह..... फै सिडाव जिरायफै...।”

सानैनिबो गेजेराव दसे निजोम।जानांगौ बाश्रा नागेरना मोनाखै।उनावहाय मनजुआनो बुंबाय। “अलकानि लाइजाम गांसे मोन्दों...।”

“औ, अलकाया आंखौ दाइभर्स खालामबाय।”

“आं गासैखौबो मोनथिबाय...।”

“मनजु..... आं जीउखौ मोजां मोन्दोंमोन आरो मोजां मोन्नायनि थाखैनो आं नोंखौ आंनि जीउनि गुवार लैथोआव हगारनाय जिउनि बैठा महरै जायगा होदोंमोन।नाथाय बे जिउआ बबाव:.....।सोरनि खैसाराव माबोरै जे खोमाखो:..... आं जेबो हमस’ना मोनाखिसै।आं मोनथिगौ..... नोंबो जीउखौ मोजां मोनो गोर्बों गोसोजों।जेराव इसेबो मैला गैया।बेखायनो जानो हागौ, बे नोंनि गोर्बोंआवनो आं आंनि गोमानाय गोर्बोंखौ मोनफिनो,बुफ्लेजानाय डिङया थोर्लौ थोरफोवै ब्लाबो फिन गोजावफिनो बेनि थांखिजोंनो आं नोंनिसिम फैबाय....।”

“आं बुजिस’नो हायाखै खोरोम:.....।”

“जाम्बि, बड’नि फोरोंगिरि जादों बेखौनो हमनो हालाया....। आं नोंखौ लांनो फैदों.....।” “खोरोम नों.....।” मनजुनि मेगननिफ़्राय हरखाबनो रय रय मोदै बोहैबोयो।मोनथिया बे मोदैया सुखुनि ना दुखुनि।

अब्ला सैमा सियालालो मुगासे उन्दुनानै दावराव खालामबायमोन।घरियाबो जिनै बाजिनि सोदोब होबायमोन टं.....टं.....टं.....।॥

सेफ थाबग्रायासो लोगो मोनफलांदोंमोन।ओजों सिखावा आखाइनि लान्जायखौ दांनाय दांनाय उल्थां–फाल्थां फिदिं–फिदा नायना नुबायदि बियो मोसौ एबा गुबुन जुनातनि लान्जाय नड।अब्लासो बिहा गिखांनायसै।अब्ला ह’र शौथारबायमोन।बिनिखायनो बियो सोरां सान्दै खाथिनि गोजौ थायजौ बिफां फांसेयाव गाखोना थानायसै।

ओजों मोसाआ हाग्रायाव हाबना गावखौ सेफथाबग्राया मोननाय बाश्राखौ गावनि लोगो बिदा–फंबायफोरनो खिन्थानायसै।बिसोर सानै हयै थि खालाम बायदि “बियो जोबोर लाजिंनांथाव बाश्रा जाबाय।” बिसोर हाग्रानि राजा।बिनिखायनो बिसोरनि लोगो फं बाय राजा सासेखौ सेफथाबग्राया बिदि दुखु जाल्ला होनाय बाश्राया जोबोर सहायथावयै।बिनि फिनसाजा खालामाब्ला सेफथाबग्रा

(□ 7 बिलाइआव)

गाहाम देहानि राहा थालिर फिथाइआ जौनि देहानि थाखाय मुलाम्फा गोनां

थालिरखौ जौनि देहानि थाखाय मुलाम्फा गोनां होन्नानै जौं मिबथियो। बेयाव गोनांथार माखासे देरहोग्रा-लावहोग्रा गुणफोरखौ मोन्नाय जायो। थालिरआ इन्फेक्सन आरो बेरामफोरखौ फोजेबस्नानायावबो मदत खालामो। फारसेथिं ख'ह'हा गोनां जिउसा आरो बेरामफोरजौं जुजिनायाव देहाखौ मदत होयो। जौनि देहायाव बेराम होबथाग्रा गोहो एबा इमिउनिटिआ गोखोडै थानाय गोनांथार। समान्थाइ जाग्रा आदार आरो गुबुन भिठाभिननि आंखालआव जौनि देहाया लोरबां जायो। बेबादि माखासे जेनाफोराव थालिर जानाया मुलाम्फा गोनां। थालिरनिफ्राय मोन्नो हानाय मुवाफोरा जादों- 1. थालिरजौं बेराम होबथाग्रा गोहोखौ बांहोनो हायो। थालिरआव गोबां बिबांनि केल'रि थायो आरो बिजौं देहानि लिरथायखौ बाययनो हायो। थालिरआव देरहोग्रा-लावहोग्रा गुननिफ्राय केल'रिया बांसिन थायो। बेयाव गोबां बिबांनि फाइबार आरो एन्टि अक्सिडेन्टबो मोन्नाय जायो। थाइसे थालिरआव 112 केल'रि थायो आरो गाहायै थालिरआव दै आरो कार्बहाइड्रेट मोन्नाय



जायो। सानफ्रोमबो थाइनै-थाइथाम थालिर जायोब्ला देहायाव लिरथाया गाहामै थायो। थालिर जानानै देहायाव गात्रि रोखोमनि मेजेमआ जमा जानानै थाया। 2. थालिरआव आबुं बिबांनि पटासियाम आरो मेगनेसियाम मोन्नाय जायो, जाय थै खारदिनायखौ सामलायनानै लाखिनायाव मदत खालामो। बेफोरो देहानि एलेक्ट्रलाइटरखौ दिदोमै लाखिनायावबो मदत होयो। मोनसे सम दान्नायनि बायदिब्ला जाय सुबुंफोस्नाव पटासियामनि बिबांआ गोबां थायो बिनाव बिखानि बेराम जानो हाथावआ 27 जौखोन्दो बाइइसिन जायो। 3. थालिरआ जौनि उदैनि थाखाय मोजां जाग्रा आदार। थालिरआव फेक्टीनआ आबुडै

थायो, जाय मोनसे गलिलांग्रा फाइबार आरो कलेस्ट्रलनि बिबांखौ बाइइ खालामनायजौं लोगोसे गाहामै दोगोन जानायाव मदत होयो। थालिरआव मोन्नो हानाय फ्रि बायटिक गुणआ जौनि उदैआव थानाय मोजां भेक्टेरियाफोरखौ सांग्रां खालामनानै लाखियो। बेजौं सर्थ सेनपेटि एसिड बायदि गुणफोरा बांसिन जायो। 4. पटासियामजौं आबुं थालिरआ किडनिखौ गाहामै लाखिनायाव मदत खालामो। मोनसे संदान्नायनि बायदिब्ला जायफोर सुबुइ सप्ताहआव खमैबो खेब 4-6 थालिर जायो बिसोरनाव किडनीजौं लोब्बा थानाय जेनाफोर जानो हाथावआ 50 जौखोन्दो खम जायो। □

‘रामायण’ सावथुनआव रणबिर कापुरखौ लानानै दावराव-दावसि सोमजि खांदों



भारतयारि सावथुननि बयनिखुइबो बांसिन आसा खालाम जानाय ‘रामायण’ सावथुननि नुथाया जेब्लानिफ्राय सोराडव फैदों, अब्लानिफ्रायनो सावथुनखौ लानानै जिंगा सिनाया नेक्स लेभेलआव थादों। एक्सन आरो रमान्टिक फाव खालामगिरि

रणबिर कापुरआ गिबि खेबनि थाखाय मोनसे सल'बाथायारि सावथुननि बाहागोआव फैदों। रणबिर कापुरआ ‘रामायण’ सावथुनाव भगवान रामनि फावआव नुजाथिगोन। माखासे सान सिगां रामायणनि गिबि नुथायाव रणबिर कापुरखौ

भगवान रामनि आखुआव नुनानै बिर्थांनि अनसायगिरिफोर गोसो गुदुं जादोंमोन। नाथाय माखासे नेटिजेनफोर सशेल मिडियाआव रणबिरआ भगवान रामनि फाव खालामनायाव रगा जौनाय फोरमायदों। सुबुंफोर बिसेरनि कास्टिंखौ गोरोन्थि होन्नानै

अक्षय कुमारनि हाउसफुल-5 आ नायगिरिफोरखौ रंजाहोदों

अक्षय कु मारनि स्टार-स्टडेड कमेडि हाउसफुल-5 आ से दाननि थाखाय नायगिरिफोरखौ जोबोद रंजाहोदों। बेयो बक्स अफिसनि अन्जिमाफोरनिफ्रायबो रोखा जायो। बेनि सिगां बे सावथुनआ अजय देबगाननि रेड 2 खौ बारलांबायमोन, दा बावैसो बेयो महनलालनि एल 2 एम्पुनआबो उनाव थालांबाय। जुननि जागायजेन्नायावनो रिलीड जादोंमोन बे मारडर मिस्ट्रीआव फ्राय 17 जोहोलावफोर दड आरो सावथुनआ मोननै गुबुन गुबुन क्लाइमेक्सआव दंमोन। थियेटरआव सावथुनआ



हाउसफुल 5ए आरो हाउसफुल 5बि आव हगारनाय जादोंमोन। मोननैबो 15 मिनिटनि क्लाइमेक्सआव मोनसे गिदिर फाराग दडमोन, जेराव

बुथाराग्राआनो सोलायो। से दानसिम अकी मैयानि सावथुनआ बक्स अफिसआव गोखौं हमथानायखौ लाखिनानै बिथाइ थारैनो बाङ्गायजाथाव।

नजीर हुसैन भारतआव फैनायनि उनाव बिमल रायनि मोनफ्रोमबो सावथुनाव बाहागो लादोंमोन



भजपुरि सावथुननि सुपारस्टार होनोब्ला पवन सिंह, खेसारीलाल यादव निहुरुवामोन बायदि

फावखुंगुरफोरखौ बुंनाय जायो। नाथाय भजपुरि सावथुनखौ बे थाखोसिम सौहैनयनि मुं बलिउडनि बे फावखुंगुरनि खाथियाव थाडो, जाय देव आनन्द बायदि सुपारस्टारफोरजौं गोबां सावथुनफोराव खामानि मावदोंमोन। बिर्थांखौ भजपुरि सावथुननि बिफा महरैबो मिबथिनाय जायो। फावखुंगुर नजीर हुसैन, जायखो केरेक्टर आर्टिस्ट महरैबो मिबथिनाय जायो। नजीर हुसैननि स। व थु न फो र। नायगिरिफोरनिफ्राय गोबां अन्सायनाय मोन्दोंमोन। नजीर हुसैननि जोनोमआ 15 मे 1922 माइथायाव जादोंमोन। बिनि बिफाया

सहायनांदोंमोन आरो सासे मोजां सुबुइ बुथुमनो थाखाय गोनांथि जायो। बक्स अफिसआव सावथुननि अन्जिमाआ बेनि गोदानसिन बिदिन्थि। दायो बेनि 29 थि साननि बुथुमनायखौबो दिन्थिनाय जादों। सावथुनआ बक्स अफिसआव 10 लाख रां आर्जिर्ी। बबेखानि सावथुनआ 200 कौटिसिम सौहैनो हायाखै। अक्षय कुमारनि सावथुन सुर्य भन्शीजौं बो बेबादिनो जादोंमोन जेब्ला सावथुनआ 200 कौटिनि अन्जिमानिफ्राय एसे गोजानाव फै दोंमोन। सुर्य भन्शीआ नख'रारि बक्स अफसआव 195.04 कौटि कालेक्सन खालामदोंमोन। □

फावखुंगुर रनभिर सिंहआ 40 बोसोर बैसोआव आगान होबाय



रनभिर सिंहआ 6 जुलाई 2025 आव 40 बोसोराव आगान होबाय। बे बोसोराव फावखुंगुरआ आरोबाव जर'खासिन जागोन, मानोना बियो सासे बिफा महरै गावनि जोनोम सान फालिदों। बै सानखालि रनभिर सिंहआ आदित्य धरजौं दिथा होजानाय सावथुन धुरंधर सावथुननि टिजारआबो रिलिज जानो थांगासिनो दं, जाय बिनि थाखाय मोनसे अन्थोबनिफ्राय खम नइ। दिपिका पाडुकरण आरो रनभिरआ थांनाय बोसोर 2024 आव गावनि गिबि फिसाजो दुआखौ बरायदोंमोन। अनुस्का शर्माजौं लोगोसे ‘बेन्ड बाजा बारात’ सावथुनजौं बलिउडआव आगान होजेन्नाय फावखुंगुर रनभिर सिंहखौ थाबैनो फरहान अख्तरनि ‘डन 3’ सावथुनआव गाहाइ फाव खालामनाय नुनो मोनगोन। बिथाइ गावनि केरियारखौ सिगां फारसे लांनो गोखौं थांखि लादों। बेनि उनाव शाहरुख खाननि उनाव डनआव रनभिर सिंहखौ नुनो मोनगोन। गुबुन फारसेथिं बिथाइ सिम्बायाव मोनसे गोब्राब पुलिस मावख'गिरिनि बिफावआ बयखौ सोमोनांहोदोंमोन। विक्रमादित्य मटवानीजौं दिथाहोजानाय बे सावथुनाव रनभिर सिंहनि फाव खालामनायखौ बिनि बयनिखुइ साबसिन फाव खालामनायनि गेजेराव मोनसे मानिनाय जायो। गावनि गोबां रंग'थिखौ फोरमान खालामनानै रनभिर सिंहआ पद्मावतआव मोनसे भिलेननि फाव खालामदोंमोन। □

मेट्र इन दिनों सावथुनआ नौंथांखौ गिखांहोगोन

बर्फी आरो मारडर बायदि सुपारहिट सावथुनफोराव दिथाहोनाय अनुराग बसुआ फिन खेबसेबाव मोजां मोनलायनायनि सल'खौ फै सालिआव लाबोदों। बिर्थांनि सावथुन मेट्र आ 4 जुलाईआव रिलीज जायो। बै साननि बेखेवनाया शुक्रबारआव लासै जानो हागौ, नाथाय सारा आली खान आरो आदित्य राय कापुरनि रमान्टिक द'खोयारि थुनफावथाय सावथुनआ नैथि सानआव गोखैथि मोन्दों। माल्टि स्टार सावथुन मेट्र इन दिनों आ



बुथुमनायाव नैथि सानआव तामहिनबा शनिबारखालि गोबां बांनायखौ नुनो मोन्दों। सावथुनआ नैथि सानआव जैरे जागायजेनो बे बादिनो आथखालाव बे सावथुनआ फैबाय थानाय समाव गोबां

गिदिर सावथुनफोरनि थाखाय खैफेद जानो हागौ। नीना गुला, अनुपम खेर, कंकणा सेन-पंकज त्रिपाठी, साम आली खान-आदित्य राय कापुर आरो पातिमा सना शेख आली काजलआ गुबुन गुबुन आथालनि मेट्र

रनभिर सिंहनि ‘धुरंधर’ सावथुननि सिरिज अक्ट’आ सोराडव फैबाय

दिनै फावखुंगुर रनभिर सिंहनि जोनोम सान। फावखुंगुर रनभिर सिंहआ थांनाय नै बोसोरनिफ्रायनो गोमानानै दंमोन। थांनाय बोसोराव जोबथा सिंधम एगेन सावथुनाव फैदोंमोन, जेराव बियो केमिअ खालामदोंमोन। नाथाय रनभिर सिंहआ नै बोसोरनि उनाव गोखौं फावजौं नुजाथिनो थाखाय थियारि जादों। रनभिर सिंहनि बयनिखुइबो आसा खालामजानाय ‘धुरंधर’ सावथुननि सिरिज अक्ट’आ सोराडव फैबाय। धुरंधरखौ आदित्य धरआ दिथा होदों। नेशनल एवार्ड बान्था देरहासारगिरि आदित्यआ उरि दा सार्जिकेल स्ट्राइकनि 6 बोसोरनि उनाव बिथाइ धुरंधर सावथुनजौं दिथागिरि महरै फैफिन्दों। बे सावथुनखौ थांनाय बोसोरनि



जुलाई दाननिफ्राय जागायजेन्दोंमोन। आथिखालाव बे सावथुना से बोसोरनि उनाव रिलिज अक्ट’आ थारैनो सोराडव फैयो। रिपर्टनि बायदिब्ला, गमामायैनो धुरंधर सावथुननि

गासै सेबखांनाया थियारि जाबाय आरो बे सावथुननि माखासे आद्रा थांनाय खामानिफोरा अक्टबर दान जोबजासिमआव आबुं जाहैगोन। बेनि उनाव सावथुननि मार्केटिआव 45

सान बारहोनाय जागोन। 5 डिसेम्बर 2025 आव बे सावथुनखौ सिनेमा हलफोराव रिलिज खालामनाय जागोन। बे सावथुनखौ दासिम मेकारफोरा मावख'यारि फोसावनाय जायाखै। □

आथिं गोलाव

(□ 5 बिलाइनिफ्राय) लोगोमोननाय बै मोसानि लानजायाल'सो थांदों, नाथाय बिसोरनि गन्थं-मोखां गासिबो गोमागोन लैजाजौं, आरो बिनि अनगायैबो सेफथाबग्रा होन्नाय माबाफोर जुनात बिसोरनिखुइ बोलो गोरसिन ओंखारोब्ला, बिसोर राजानि सारिनिफ्राय बनदानग्रा, दै रोगाग्रानि सारियावसो गोर्लैगोन।” बिनिखायनो बयबो मोसाफोरा हाखु-दाखु आफाद लेंथुमना बेखौनो सावरायबायदि इसेबो गोबाव खालामा जासे गोखैयैनो बिसोर सेफथाबग्रानि हेंथायै दावहा नांनो थांनाय गाहाम। दुइखुइसो मोसाआ सेफथाबग्रारखौ हाग्राबारियाव उल्थां-फाल्थां नागिरनायसै, नाथाय बिसोर सेफथाबग्रारखौ जेरावबो नुवाखैसै। उनाव मासे मोसाआ बै थायजौं बिफां बिजौयाव मेगन गोर्लैनायाव बियो सेफथाबग्रारखौ बेव ज'बाय थानाय नुनायसै। बैनो सेफथाबग्रारा होनना आसि खिन्था हरनायलाय गासिबो मोसाफ्रानो ज'थै सोगोम जोबनायसै। बिसोर द'से सानज्लायनानै

मोनसे बुद्धि साजायनायसै। सेफथाबग्रारखौ मोनहासौनो थाखाय बिसोर मासेनि बिखुइव मासे गाखोयै गोजौं जालांनायसै। सिखावया सानबाय जाखोबाय दानिया। दानिया गोथाडै थैथार सिगोन आं हरखाब सिखावयाबो बुद्धि साजायबाय। बियो नुहर बायदि, बयनिखुइ सिडव सेफथाबना लान्जाय बारिया जानाय मोसाआ दं। बै लान्जाय बारिया मोसाखौ सिखावा गारां फेदेरना बुंहरबाय,- “औइ बारिया, नायहर, नायहर।” बारिया मोसाआ सानबाय, सेफथाबग्रारा गुबुनफोरखौ नागराना आरोबाव आंखौसो हमसि गोन नामासे? बिदि साननानै बियो समखिनायजौं बुद्धि गोमाना हाग्रा फासै खारलांनायसै। बियो बिदि खालाम नायलाय, बिनि बिखुइव मासेनि उनाव मासे गाखीना गोजौं जालांनाय गासिबो मोसाआ ज्रय ज्रय हायाव गोर्लै जोबनायसै। बिसोरबो जौंखौबो सेफथाबग्रारा मोनबाय’ सानना जोबोर गिबाय आरो जाय फारा-फारि बेन्दों बेनला सौसिना हाग्रायाव खारलांनायसै। सिखावा अखा थब्बं बेवनो थानानै फुइवनो बिफांनिफ्राय ओंखारना न'आव फैफिननायसै, आरो बे दिननिफ्रायनो बियो सिडव खावथारला होन्ना समायखिर लानायसै। □

